



秋澗先生大全文集卷第十七

奉誄

大丞相忠武史公

贈太尉翰林學士王磐文勅撰神道碑



萬國鞭笞走帝庭堂堂爭識漢孤卿元勳  
麟上曠度初無智勇毅儼景去翻髯影駕柱  
笏端銘白頭無地酬知己痛為蒼生淚滿纓



追挽元遺山先生

文奎騰彩憶光臨孺子何如喜嗣音  
親為刪誨且有文筆重于相權泰山微塵之說即欲  
挈趙正傳公固在陽秋當筆我吳任天機翻錦餘官  
樣月戶量工更苦心野叟亭空遺事墜荒烟埋恨九  
原深

哭賈叔良別駕

今夏書來墨尚新至冬誰料訃音聞忍看玉樹摧崐  
火空遣歌詩過嶺雲氣會可能鍾瓦例天葩似新吐  
奇芬拊膺慟絕華顏母老泪如傾滿練裙

詩祭館主謝總管

老師英威上将壇愛君雍雅戴儒冠依孺慕懷立  
壠煦煦交情出肺肝惡棘棲鸞終鍛翮蜀江梁險失  
驚湍傷心最是蒲中客馬首歸旌揭素竿

叅政楊公挽章

公墓在河南府甲戌以事入路拜其下賦是詩以吊

天孫機杼五雲章

簪珥飄蕭侍

帝傍一札恩光慚

賤子

予一命授翰林修撰其詞頭蓋出公手有云行已無玷博學能文願超絕之異材足鋪張于偉績

百年清議在中堂望隆鳳詔繇綸美吟繞瑤臺雪片

香欲弔風流俱寂寞滿丘秋草近宮墻

挽張簽省

自號順齋老人中統元年授太原平陽宣撫再簽東平行省

漢庭冠劍擁羣雄曾建嘉謀沃

帝聰白筆剛稜驚

柱後繡衣風彩照河東鵬來近舍魄先禡麟出昌時

道未窮一掬西州門外淚不應悲絕獨羊公

留別總府諸公

超々天馬五花紋少日能空冀北群事梗不成旬月  
雅材鴛鴦空抱四年勤情馳北闕煙花禁夢到西山日  
暮雲一曲驪歌應恨別麟麟高閣摠殊勲

單學士挽章二首

生平才氣浩無雙彭蠡秋連萬里江廷議儘高  
清禁月苦心終對玉堂缸百年世契先君厚萬斛龍文筆

力扛最喜誨人曾不倦，洪鐘無憚寸筵撞。  
持論生平愛賢，縱橫條列果無前。屈身為道思弘，  
濟遇事明言見惡，圓韋杜去天纔尺五，衣冠埋恨便  
千年。遙憐晚起山齋意，地下修文恐浪然。

和劉懷州詩韵

二月燕城氣未華，添衣風起謾吹花。背陰凝慘松猶  
凍，藉潤含嬌草有芽。得失正須論定分，低回初不為  
謀家長。河有路通霄漢，誰遣孤星滯客槎。  
荏苒風埃老歲華，羞將勲業照菱花。暖催回鴈舒雲  
翼，寒勒幽蘭茁露芽。嚼蠟官情無少味，轉蓬身世不  
知家。客愁一夜江湖夢，醉把長竿倚釣槎。  
蛛絲拂面喜生華，照眼青燈夜有花。雪屋苦吟饒客

思茶鐺寬煮試新芽，一官除後三移次。十夢春來九  
到家，遙想西溪墻下水。碧翻瑤灩待浮槎。

餞王全州二首

衛連廊邨號交衝，比屋休驚未可封。鄉校廢來風俗  
壞，野田闢後歲年凶。租徭雖免離民衆，官府全更宿  
弊重。新政慮來無此切，正煩裁減與優容。  
二十年来舊使君，又瞻皂蓋擁朱輪。試評異政三王  
果，何似天姿兩漢循。田里務從安靜了，使軺誰計送  
迎頻。先教洽久民情喜，聽取隨車一雨春。

同劉景融過西園懷古

錦擣西苑正隆修，大定明昌事讌遊。海露恩波鰲抃  
首，花翻瑤艷雪迷樓。三千歌舞繁華地，一片風烟慘

淡愁興廢筭來無五紀至今靈沼詠西周

送高飛卿尹順德

朝家一草舊宮空整：新除示至公善政擬超循吏  
上寬恩都在 詔條中如君悃幅無虛譽所至絃歌  
有實功馬首快驅紅旆去百泉花柳待春風邢州亦

用劉景融韵答客問

寂：從教笑仲華羈懷坐老竹生花新除海隅無從  
問喬木春深恐有芽追逐昔賢慚下惠比量時輩愧  
劉家萬言倘作無聞去枉說張侯泛斗槎

西苑懷古和劉懷州景融韵

彩鳳簫聲徹曉聞宮墻烟柳接龍津月邊橫吹非清  
夜鏡裏瓊華搃好春行殿基存焦作土踏錐舞歌艸

留錄金人遺事野花豈解興亡恨猶學宮粧一色勻

踏錐舞名見景元所

瓊苑韶華自昔聞杜鵑聲裏過天津殿空魚藻山猶  
碧水涸龍池草自春民樂尚歌身後曲弓彎不見舞  
時茵緋桃誰植宮墻外露濕臙脂恨未勻

和虞帝廟弔古

分開幽野自虞分山海雄沉載厚坤玄德共瞻天北  
極殿基空對苑西門蒼梧雲駕無從叫翠琰顏書固  
可尊聞說興陵堪比德東風啼損杜鵑魂

和劉懷州韵

雨露中天日有華暖私幽圃亦多花事機不料先根  
本顛木其能絕蘖芽老去戀時蕙戀闕愁來憂國不

憂家幾多牛渚星邊客空望秋風八月槎

和高飛卿韻

錢郎滿腹好精神人物當年見絕塵長惜仕途知己少不愁花樣入時新趙張而後材難繼季孟之間德有鄰早晚青雲臺閣底楊何同作眼中人  
春來百草解通神其奈淒風漲野塵一為化權無定宰百般生意不能新柳含凍眼迷陶宅杏簇枯枝倚宋隣和氣阻垂閑治體仰空欲問待何人

別高屯田晦之

十年冠蓋幾相逢邂逅燕城燕喜同清賞已歌黎宵白歸期休負牡丹紅千屯曉月鞭聲底一片田旌夕照中自笑欲歸未得草堂無地著盧鴻

即席壽青陽學士

湖海秋風駐節頻北來猶侶漢平津如公合得無期壽笑我還充不速賓櫻筍厨香驚咄辨江山筆健老能神王堂未羨台階貴人道詞臣是重臣

和左山言懷韻

投獻王門匪自謀白駒雖白欲誰留鳥飛魚泳有常分漏盡鐘鳴合少林老驥志存終伏櫪野人機靜不驚鷗會依綠野堂邊隱一抹青山屋打頭

遊封龍北麓

行近龍峰已稱心粟留聲裏轉青林雨如散髮來無際山侶幽人喜見臨樹密連崗橫遠障雲低隨馬布輕陰鹿泉蓋薄何慙厚伴我幽尋上碧岑

中溪書院

幽尋不為愛山吟，李相巖栖是賞音。身世正堪閒處著，時情尤比嚮來深。風烟物外開三觀，塵土人間望一霖。山若有靈歆素禱，泓寒碧代孤斟。

贈知事劉大用

兩椽茅屋打頭低，中有林立翠作圍。無限雲烟供落墨，搃從曾次發天機。一枝湘竹臨江活，萬疊秦山照眼霏。疇昔過門清話久，前身疑是米元暉。

即事為承旨王鹿菴作

徹備虛驚已可懲，更堪時事日紛更。創行有例推諸老，責備無端悚衆情。遼海兵連思魏鄭，延齡麻壞見陽城。窮愁正遠聞佳報，喜動皇都豈席生。

留別鎮陽諸公赴任濟南

梧桐葉上雨瀟瀟，有侶留連助寂寥。身世未容歸壠晦，羽毛誰欲見雲霄。三年滹水人情好，六月齊州去路遙。回首北潭花上月，時應歸夢到蘭橈。

經史總帥戰處

乾石橋邊野澗橫，分圍曾列亞夫營。雲烟眼底縈蛇陳，草木風前有戰聲。故壘按行傷往事，青山依舊繞孤城。千年帶礪河山誓，輸與汾陽貫日誠。

閔子墓

聖門媿德亞吾顏，季氏何知欲澆然。三釜恐貽親老恥，一廛歸卧汶陽田。山禽容與和聲裏，墟墓蕭條落葉邊。兩下頽濱碑下拜，滿杯秋菊薦寒泉。

公堂言懷

勲業羞將鏡裏看，遭時自擬寸心丹。  
勉從仕版無微巧，硬著精神博一官。  
寤枕夜長憂思悄，公堂人靜雪花寒。  
眼中少事能如意，管甚林梢又日殘。

糟魚

霜刀截斷玉腴芳，暖貯銀罍釀粉漿。  
錦尾帶頰傳內品，金盤堆雪喜初嘗。  
解醒未減黃柑美，雋味能欺紫蟹香。  
一筋饜餘乘醉卧，夢橫滄海聽鳴榔。

甲寅歲元日

癡絕何堪應事機，閒心思與野雲期。  
覩顏身世緣饑凍，覺老筋骸強拄持。  
馬怯力微朝進處，鳥知飛倦暮栖時。  
日斜凭暖烏皮几，靜看爐烟裊碧絲。

挽杜止軒

貧樂能安貴不淫，百年瘦海寄浮沉。  
閒中今古資談具，物外江山助醉吟。  
風義見來先急難，文章拈出更雄深。  
追攀逸駕嗟何及，時向逃空得苦心。  
一代人文杜止軒，海翻鯨掣見詩仙。  
細吟風雅三千首，獨擅才名四十年。  
劔在不沉衝斗氣，神游多了住山緣。  
老天未覺斯文喪，齊魯諸生有正傳。

挽孟德卿

龍驤東下破吳年，談笑從軍侶仲宣。  
亡國不驚三月火，捷書光動六朝烟。  
當時籌筆何英茂，此日題詩倍黯然。  
湖海賢郎宜少慰，光揚重見葺遺編。

和張鵬舉詩韻



誰分先覺與凡民天理中來一氣春肯勅寒蟬啼月  
苦放教宛馬到河神六經之外皆非學諸子已來宜  
有人自嘆半生蟬蠹裏白頭無術動一嚴宸

和張仲常韻

強顏陳力媿周任闕盡當年得失林白首好看能幾  
日虛舟相觸果何心行身誰是無瑕玉合志能裁躍  
冶金退易進難吾道事此懷更比向來深

賦白舜俞多月亭

海岱東開迥地寬小亭千里入憑欄一軒風露金莖  
濕滿地瓊瑤桂影寒興比庾樓宜不淺飲豪舒肯  
拋殘使君未老風流在八表神游夢彩鸞  
何處人間不夜天月亭高倚月初圓玉壺光泛瓊花

露桂影香浮畫棟烟一櫂蓬瀛知海近滿筵符藻識  
秋偏素娥苦待停杯問愁絕當年李謫仙

遊佛首山開化寺至元廿一年四月八日  
挈行者孫健即

盤石磴轉蒼崖山侶青蓮四面開寺古說從兵後  
廢官忙喜向靜中來半泓寒碧供僧飯一點烟螺認  
佛臺我本婆娑林下客樹頭幽鳥莫驚猜

遊靈巖寺三首

行入山門已可吟葱隴佳樹搃幽尋氣分嶽秀開金  
界雞警陰魔護道林竹溜遠縈雲磴落烟螺濃並寺  
壘深喚回三十年前夢此日登臨慰宿心  
寺其形勢殿舍殆與此間不異  
前夢游一

路轉峰回墮翠窠，陽崖擁抱更嵯峨。泉通碧澗來無盡，寺並青山永不磨。林壑勝遊緣興適，乾坤清氣與詩多。晚鐘但惜遊人去，遠泛餘音遠澗阿。  
絕景亭高勝賞多，杖藜到處即婆娑。巖虛應磬長殷寺，古題名字半訛幾。樹幽葩明寶供，滿空金色下烟蘿。何時暫謝人間事，放眼雲巒入浩歌。

送世傑郎中奉使雲南

節旄堅駐海西陲，奮自陳湯一布衣。朔雪不辭雙鬢老，長纓直係六王歸。恩波重浹滇池浪，赤羽何勞漢將威。想得諸羌迎拜處，使華先動玉門扉。

余按部奉高故人劉君之子持此詩來謁，感念疇昔已廿五年矣，顧其命札利弊因。

為重書以遺庶幾孝標憐西華之意云

漢栢詩

蒼栢無城擁漢陵，闕宮遺樹鬱崢嶸。崔嵬不植明堂礎，造化潛通岳頂靈。萬壑烟霏扶傑幹，半天風雨撼秋聲。白頭會見東封日，照暎鸞旂一色青。

過沙溝店

高柳長塗送客吟，暗驚時序變鳴禽。清風破暑連三日，好雨依時抵萬金。遠嶺抱村圍野色，行雲隨馬弄輕陰。搖鞭喜入肥城界，桑柘陰濃麥浪深。

長清官舍

十載隨人戴豸冠，望離清秩寔多難。一身許國無知

已萬事關心空汗顏花樣况非時製巧功名宜為老  
天慳李鷹何待秋風起一夜歸心滿故山

觀光三首

十三年在都下作

漢家宮闕碧岩堯六合同來不待招非此詎能隆上  
國有臣何幸際昌朝光連

帝極環玄象翠積中天仰鬱霄葵藿寸心深向戀日  
華明處五雲嬌

大元

天子壯陪京盡啟燕雲作苑城彩鳳應門千仗肅蒼  
龍雙闕五雲明千秋日月低宸極萬國衣冠拜統絃  
蟣虱小臣何所祝年、嵩嶽聽呼聲  
長樂宮成孽宋連紫微垣外紫烟生明昌受款真兒

劇洛邑營周是小成正朔一家堯歷日青山三面漢  
金城 君王神武高千古緘口長沙建治平

壽鹿菴大學士三首 十一月初一日

大節中流砥柱標高風孤振張吾曹眼中元老恩方  
渥林下淵明氣本豪萬事縱心緣理勝三峰當面與  
秋高玉堂更覺台階重蓮炬長看照壽毫

陽春門裏開新第魚藻宮中倚講筵晚節不緣三徑  
屈高風終愛五噫賢雅懷老去從多可萬事諳來愈  
自然千古六經常道在就中能契是知權

風節生平以烈聞詞章獨與大蘇親天人重為斯文  
主甲子洪開壽域春行草縱心書愈聖歌詩吟老語  
彌真穆脩亦是華顛客肯把韓編付授頻

贈友人張彥魯并序

友人彥魯別余四年今歲秋有秦中之行道出淇右時余亦北邁有期尊酒道舊為數日留既而分歧就駕次日彥魯復追及余於朝歌南遂偕與北上前次保塞逆旅追念往事耿不能寐為賦是詩以贈且傷其會合之靡常歡樂之無幾也彥魯諱著世遼東人

北邁南遊有定期半途回駕喜追隨心因年老便多可馬信車前亦緩馳綠綺素深平日雅碧雲償盡向來思一樽逆旅燈前話莫忘燕垂抵足時

趙州石梁

華表亭：擁石麟車書萬里此通津天垂蟬螻蠖千尺月吐蟾蜍隱半輪片石鞭來能濟險大臣當用合橫身征鞍歸路明年事一片春風柳色新

三臺懷古

萬古三臺作厲階漳流東注若為哀才教叛逆羯奴去又得顛癡帝子來紫陌衣冠森鬼朴芳華林苑墮兵埃夷姦不獨西陵樹荀彧穿窬止自裁

壽姚雪齋

散髮飄瀟玉局仙竹風松月共清圓雲間正際商霖後學奧能窺太極前瀛館寵光開壽域太平勲業在經筵殷勤春雨堂前檜細綴冰花點翠妍

慶宋尹母八十壽

樹萱堂背已憂忘，金粉蓮苞貯靜香。風景四皆藏秀麗，慈顏八秩見康強。賦中潘岳閑居樂，詩裏燕山桂子芳。會看肩昇宮戶底，更勝陳氏配東林。  
贈卿先生逍遙子  
姓韓氏曾為尚書省都司

送裕卿都司南還

前日翰林君送我，今朝幽薊我辭君。十年契闊凡三覲，五月從游此重分。世事有機難預料，後期無恙要相聞。何時沁北丹東稼，解紱歸來約共耘。

任懷遠慶九十詩卷

朱顏青鬢萬金身，九十康強是福人。擺落世紛隨所適，棄遺家事見何親。花香北渚盃盤具，月滿南樓杖屨頻。更為武公歌壽德，一溪淇水照秋筠。  
北渚謂鎮  
任時居鎮陽

挽楊春卿先生

曾為衛輝路勸農官

山澤曜仙老使君，十年談笑接多聞。襟期自是羲皇上，肝膽初無楚越分。冀北羣空逢伯樂，斗南名重見田文。一丘宿草情何極，淒斷無終日暮雲。  
先生燕玉田人無終  
北山

寄壽博閣趙總管

予方從事東平日，君適分符濮水濱。歲歷喜聞開九秩，客來爭說好精神。背船宛與龜紋秀，面頰丹餘鶴

頂新特似麒麟圖上見形容全不老於真

壽平章張公時為副樞

十年黃閣富經綸落、蒼髯社稷身公道採時仍此  
在龍門歸譽見來新菊香已辦南豐供醪蟻無煩靖  
節中壽席今年得佳語太平勲業在麒麟

送商台符赴行臺御史

器識沉明義外方青衫難屈校書行暫虛東閣即君  
位要聳南臺豸角霜八道風稜馳使節兩淮殘困是  
維揚就中驄馬吾儕事匡正官邪取大綱

病目書懷效樂天體

病眼平時視物疑更禁風火內交馳越蛙睥目將誰  
怒鮫淚傾珠盡日垂氣鬱方瞳昏暈鏡瘡連剝臉痛

磨錐悠、伏枕三旬苦安得黃金刮膜鏡

送按察王煥卿之任建康三首

滿移投上謝癡床五郡河湟作省郎白筆冷搖瓜步  
月綠橙香烈洞庭霜虛懷正切平時慮達變終垂後  
代芳我老壯心猶未已彈冠端有羨王陽

十年臺省共翱翔機識沉雄義外方金節喜酬平昔  
志綠橙香動夜來霜老懷雅有思深慮世故何憂事  
過防眼者澄清開八道就中風動自丹陽

五郡河湟已有聲繡衣直指又煩卿恩寬注意矜新  
附物衆於中慮孽萌牛渚犀燃防過察吳江霜落要  
維清行司此去尤堪喜地爽山高眼倍明

送李敬之按察淮東

遼陽三載淹廳幕，并府終年貳鐵官。桃李門庭慚自致，冰霜肝膽見來寒。推姦老手監司舊，復業遺黎奠枕安。想得桐淮東畔月，清光先照使君鞍。

送馮壽卿簽事

小邑鳴絃踰兩考，外臺簽事是榮遷。未妨躡足青雲後，已著先聲白鴈前。三世名家遺直在，百城新附望恩偏。銀鞭莫緩青駝去，野鷺羣飛正刺天。

寄子初提刑自陝西改授行臺中丞治揚州

監司西去無三月，建節東還路八千。仕宦得君無重地，澄清有路是瞻天。霜封淮甸妖氛靜，春入瓊華老樹妍。一策想能康濟了，儘堪歸隱百門烟。

目疾自警效樂天體

目手相須最切身，連宵慘痛可傷神。老緣貪得書成崇，壯為傷多酒入唇。四大假來皆是苦，萬緣急遣亦忘真。悠：未了三千牘，束置從今不要親。

寄梁幹臣簽事

滿移未負別癡床，去作襄州省幕郎。遷拜搃緣才力致，激揚尤稱老懷剛。離情轉惡中年別，衰鬢相望兩鏡霜。每度思君傷馬甫，漳州南望白雲長。

壽趙同簽九月廿五日

丙年正月下江東，榮拜人驚此日同。破竹固成王濬手，侍謀多見茂先功。松形秀並眉毫健，軍務能開世道公。壽席今年更堪賀，廟宮修治越裝空。

送劉侍御

起騰高品數年間才刃恢：顧不難百越遠開炎漢  
域兩淮爭識惠文冠犀燃牛渚魚龍慘霜落吳江草  
樹寒成事自來輸有志不教勲業鏡中看

雨聲

滴破寒更韻未諧芭蕉未了更空階隔簾響絕玳東  
珮入耳愁生索寞懷孤嶼有舟添夜話殘燈無燄耿  
幽齋憑君寫入瑤琴曲並與秋風洛水排

夢焦簽事一在一官署論余除授於某官  
前十月十一日夜

神交初不問幽明夢裏相看儼若生顧接宛同蘭省  
日薦揚猶重故人情楓林魂黯人何在落月梁空思  
未平枕上兩行知已淚覺來揮却又縱橫

送竇端甫宣慰東平

瀟洒風神見德隅步趨知不利長裾老諳所事無多  
味却覺閒官是美除恩詔纔離温室樹甘霖先沛  
泰山墟憲陵山色溪堂月剩有詩來當尺書

送杜時舉歸平陽

四載河東頗閱人愛君能靜復能貧一朝夜雨韋郎  
話滿眼睛雲玉壘春未分風塵淹駿足不妨翹葉暫  
謀身因君西邁增余興兩夜青山入夢頻

哭張總判行甫并序

公諱係北燕人姓張氏字行甫姿蘊藉好賓  
客官至平陽府判官詩所謂愷悌君子民  
之父母者也家藏書數千卷後以累落職



年五十有七終于家晚築龍祠別墅溪風  
松月境趣瀟洒酒壚茶竈筆牀釣具有幽  
居草堂之樂至元壬申余官冀府暇日與  
君徜徉其間者蓋三年于茲醉山頭之落  
照起舞鳴歌弄茂蔭之清泉沙鷗靜玩追  
思往事傷如之何爰作悲歌庶賡雉露其

詞曰

酒病人看指日瘳扣床辭別到彌留歸軒東下才期  
月哀計開來已兩秋白壁冷埋泉壤閱黃壚不隔暮  
山稠分明昨夜龍祠夢醉卧藤陰唱石州君善歌石  
婆娑杖屨桂叢幽長恐山中識故侯野釣授書黃石  
在菊香浮甕草堂秋一作滿甕秋香陶令宦情瀟洒

陶彭澤老境浮沉馬少遊何日下車傾腹痛春風吹  
淚拜林丘

秋澗先生大全文集卷第十七

嘉慶甲戌三月廿日校於十萬卷樓是日雷雨初霽  
北風甚大

秋澗先生大全文集卷第十八

七言律詩

哭節齋陳公五詩

時為浙東宣慰使按行屬邑回過新昌縣值王

夷門樽酒罄早生誰料終凶在此行鬚髮有靈通席

夢越戈無識斷由纓救時譽在何多得憂道思深耻

近名南望兩行知已淚西風吹却又縱橫

笑談鞍馬最從容遠自南陽到洛中廷議有方先大

節丹心無間搃清忠餘人老去初何惜四海經綸共

望公何日下車傾腹痛喬宏林墓哭秋風

德音宣暢介鱗霑遠調曾辭瘴海炎寒谷變春方燠

休舍沙窺影已陰潛峰摧天柱山雖壞桂折秋風氣

陡巖伸雪絳冤誰有疏吞聲空向九天瞻  
燠燠一於

喻反休  
服其度  
云虛  
痛而念  
昭三年  
晏子曰  
民人痛  
疾而或  
燠休

盛氣橫收蓋代勳揮摩旌壘張吾軍乘時孰計利不利為善但憂聞未聞千里魂歸關塞黑百年情在死生分臨風痛瀉長河淚灑斷江東日暮雲  
惡棘梟鸞苦未分挺身東下擬鱸吞義酣不信雄貙慘死守庶酬君父恩冤碧竟凝東粵血大招空返北邙魂恢三本遺書在儘是君侯不致存

壽總先侍御

幘幪雲厦鬱雄沉偃植圓权力儘任持重安端風憲本耐交尤見歲寒心望隆北海螭蟠譽思入南陔孝養吟漏泄光風來獻壽綠萱春滿北堂陰

送劉侍御分司上都兼呈中丞

何者功名是丈夫細思初不外民區汕：雲葉從中合盼：群情待一蘇造命豈容論氣數當言能盡是雄圖聖恩思治方宵旰幾問南薰解愠無

題鳳山逸叟王明甫八秩手卷二子長桓字巨川為

冠州尹次曰構字肯堂今為翰林應奉

一府名香二十年鳳山歸作地行仙由來和氣薰陶久不獨天彛秉受全扶健漢更鳩有杖伴吟清獻鶴隨肩更憐五馬鑿坡貴併領春風上壽筵

杜季明表兄史千載南還荆門索同賦為餞謹書三詩以贈杜時任中書省左右司郎中

秀並岷峨萬仞青憶初載酒子雲亭幾年江渚悲鴻鴈一日沙堤詠鶴鷄共被再融荆樹樂還家不愧州堂靈中郎儘擅平津閣未分歸槎老客星

干戈漂泊中年後，邂逅相看抵萬金。  
風景儘收孤客淚，江山何限故園心。  
一作去國不知江令眼中棣萼  
春仍好，林下詩盟喜重尋。  
南去瘴江無少阻，平安休復到家音。

吟看錦水東遊日，望入停雲北上時。  
憶弟遠衝燕地雪，聯芳未賦棣華詩。  
風塵拋擲青萍劍，一作情思琢  
去路留連白玉卮。  
歸到荆門霜尚晚，月明江樹影參差。

張提刑子敬挽章

至元十五年六月十五日卒在河南時作塞上曲云

攬轡南來擬拜君，逢人忍以訃音聞。  
揆焚有志遺深愛，博物何心泥款文。  
卿月儘輝丞相府，史評當策竹書勲。  
不須更聽西風笛，愁滿西山日暮雲。  
深愛為北

中時曾採援軀戶三百餘家

詩寄李明郎中

中書機務日紛紛，海寓披圖萬國賓。  
善斷獨高如晦策，名家復見杜陵人。  
遙憐綠水紅蓮地，滿意清江玉壘春。  
正有採時心最切，更須根本細經綸。

暇日登飛仙休逸二臺

老圃臺荒草棘深，魏公德業古猶今。  
望隆異代瞻儀鳳，錦爛輕裘憶細吟。  
龐陌按行餘利澤，山川包拯見雄襟。  
禽鳥知愛如相語，隔葉時聞送好音。

詩寄劉清卿都事

朋簪終盍脫荷囊，蘭到升庭見獨芳。  
毛氎幕夜書稱快，吏冰壺孤抱映秋霜。  
十年紫禁烟花近，四海金華姓

字香南北相望固迢遞久要情在恐難忘

秋日早衙示同僚閭簽事子靖

憲府覃：尺五天按臨八道儘繩愆乘時佐理疎明  
略攬轡澄清愧昔賢寬固可稱須有制事唯無諛乃  
能全所行果計無尸素放枕能安一夕眠

慶趙仲器母八秩

遐壽能康世所稀滿前蘭玉更熙：氣冲自得豐長  
稟德厚能高九十儀秋月簾籠來婺彩春風蟾背看  
彤芝燕城勝事今誰最聽取共崑介社詩

椰實詩宣慰高飛卿開宴出示此果邀諸  
君賦詩西溪首唱僕乃賡焉

坡僂帖裏藹餘馨炎帝圖經見典刑辨削異樽陪北

海暖包香霧自南溟摩杪枵腹疑藤癭雋永天漿勝  
楚萍吾子好奇時引飲沙頭閒却玉雙餅

寄叅政相公

不覲清揚近一年依：情在鳳池邊碧雲思遠餘千  
里紅藥階深有二天兜輦初官倍好爵寵光霑喜動  
重泉白頭無計疇知己會有文章見簡編

和西溪韻送良弼提刑赴憲臺之召

拳：幾御大賢車

謂張平章張左  
相姚雪齋也

氣量弘深見步趨

望重正煩天下計人和愛及屋頭烏百年笑我遽如  
許一日侶君其可無雅俗自来推坐鎮簡花吳待筆

端區

百城方聳便君車遽應旌招內殿趨儀羽望清初振

鷺栢臺陰肅已翔鳥人材輩向朝中列天下看來一事無數路清寧固佳政經綸何似被綿區南來和氣擁輜車佩玉長裾利走趨阿閣再鳴瞻彩鳳月明三匝笑驚烏事機應運深還淺才氣多君有若無與論功名果何在此心初不外民區

送李士觀還壽春莫府并序

士觀友愛來辭促膝道舊眷有不能別者仍以親老地遠佳眠食是祝士觀請即此為贈因率爾賦焉見合肥王尹立夫為寄聲兼達茲懇云至元己卯重午前三日也

去年首夏別燕城今歲清和會返京相顧髣髴成老

醜不緣貧富異交情春蘭句好香生席歸路舟輕月滿旌地接兩淮終瘴濕身安之外摠虛名

挽禮部丁公郎中

荀班出佩紫荷囊漢署當年列鴈行學古不回平日守德方誰侶老來剛眼中耆舊雲烟盡身後詩書坎掩香臺閣清風有餘凜一丘埋恨吹臺傍

相下送舍弟之官鄧郟時為竹監使

十五年中三聚首一千里外兩相望春風邛北重分袂夜雨漳南喜對床雲路暫淹騏驥足江沙晴護鶴鷄霜公餘正要加餐飯陽武同宗只二房

舍弟仲略生朝

十六年己卯五月廿一日時寓史開府定宅

江漢堂深畫景妍亭花影舞胎仙一樽此夕歌鴻

鴈滿意薰風醉管弦遺業繼承心共切此身加健壽  
為先飄零南北初無定正要相看棣萼編

送千秋都司任密州諸城令

竊效贈言  
代抒衷素

梁苑相逢傾蓋初照人秋水出笑蕙應憐世事方多  
故却恐微官是美除處已道方何喜愠濟時舌在儘  
舒徐下車莫後神明政楚幕瞻烏待報書

至元十六年歲在己卯四月十一日偕大

同郭天錫祐之大梁劉衝漢卿天黨李昌  
齡千秋遊內梁門西大佛寺、即宋寶相  
院也主僧郭里人臘七十餘相與會堂東  
丈室坐間話文字及壬辰歲京城警嚴令  
人慨嘆久之祐之為放聲長歌劉起浮大

白者數行懷仰之思渙為冰釋然後知盛  
衰之不恆衰樂之無端也開口而笑頻何  
厭焉遂留題而去侍行者安陽楊遵義甫  
帝城何處散春棕花木禪房一逕通共訝殘僧談世  
故却憐閒燕得諸公風雲心事誰能了歡樂朋從豈  
易逢聽徹清吟歸路晚金明池沼夕陽紅

山陽偶與大總長相遇自辛亥年相別至  
今廿八年矣追念疇昔作詩為贈

解鞍林下振清埃懷抱樽前得好開白髮滿頭心事在  
青山當眼故人來風流自有高賢識感慨還深漂母  
哀讀盡深香轉蕭爽清吟不到伯倫臺

號曰深香間適于此行  
本擬遊百崑不果故云

深香係繼長  
父宜之文集

漢東陽武太守臧公廟

袁曹形勢兩鳴泉，趣嚮終非翊獻朝。  
歛血正圖扶漢鼎，殺身何獨為張超。  
荒城草閣遺壇在，喬木風高烈氣飄。  
琳也為思名節正，有書明正苦相招。

太守劉景融之任涓臺，索詩謹書此為贈。  
十年錦帶佩吳鉤，曾翼龍驤控上游。  
平日諸軍稱雅厚，老來五馬更風流。  
宦游喜在西溪部，閒燕欣同畫舫秋。  
歸鴈亭前問遺俗，遲回初不為詩留。

信察判士連來辭，呂贈言為榮。因書此以送，且見余之僚行云。

常憶終軍英妙年，此時頭角見嶮然。  
百城望重非輕責，六品除新實美遷。  
姦弊得情矜勿喜，事機到手簡

為先，河東說是懷思地，未礙蘇章有二天。

賦湖石得於汴梁

華陽萬石說卿雲，族聚支分此遠孫。  
疊嶂秀來雖曉靄，孤峰崛起更雄尊。  
轉翻蒼背鱗猶動，侍近紅雲色尚溫。  
覺我露堂光景麗，洞連秋氣鬱吟樽。

和士觀見贈詩韻

鴻飛鷺散聚無時，偶喜歸來共一池。  
世路何心論薄宦，燈檠同業憶深資。  
但教白壁無微玷，問甚青雲有素期。  
却恐桐淮一上月，清光長使照睽離。

春露堂三首

今年卜築露堂春，頗覺吾廬葺興新。  
書帙盛陳欣有託，燕巢不定侶嫌貧。  
花枝照眼開還好，竹樹當軒植



漸勻朝日兩竿濃睡覺不妨門外即囂塵  
詩書真樂得新聞不羨軒車日過門薄宦到頭終外  
物一閑入手是寬恩東山不厭蒼生望北海羞霜綠  
蟻樽花草滿庭從爛熳最憂當路種蘭蓀  
貧家營構不容常五十年來有此堂春露榜題應有  
在慈親凝慕詎能忘華滋濡濕趨庭處風彩依稀墮  
目傍我老自強觀志行泣然流涕撫青箱

送何叅政北上

世事雲翻不易裁君侯真是齊時材若論經制明公  
道儘足扶持是憲臺霖雨終期賢相在秋風聊應鶴  
書來草茆亦有雲霄望執法清光接上台

幹臣周君邂逅淇上作

燈燼紅垂綴玉蟲鵲聲傳喜下霜空故人遠自京圻  
至青眼依然白髮同道在固常忘勢重官清還復坐  
詩窮章：久說襄城政早晚褒書示至公

鄉人魏先生家藏樂天神一軸作二像對  
立一則五十時容一則六旬後真也上有  
樂天自贊別稱為蓬婆仙云三十年前屢  
獲瞻拜近讀公長慶集偶記此畫為訪問  
云已磨滅久矣遂作詩吊

蓬婆洛  
南地名

魏家一軸樂天神三十年前繪色新欲就醉吟師格  
律試尋繡素墮埃塵空留池上山中詠謾應花前月  
下身官品文章吾敢覲侶公真樂老能親

嘉禾篇并序

乙酉歲九月，衛之南郊獲稼，得嘉禾一莖，九穗和之至也。田主李縣丞持以示余，累累秀結，小大連比，誠可異也。人用餘味，忻怍，曷已。作嘉禾篇、重陽后二日序。

天地深息，雨露零嘉禾，還自氣和生。九秋灑爽，團孤秀一穗，功夫到九成。太史書年同合韻，漢庭稱瑞比連莖。表章莫後丹青賀，人道豐穰是太平。

種玉亭

徐子方宣慰有詩因擬作三首

昆明雲錦厭凡材，玉井移根手自栽。不著詩仙分寶供，誰携仙子下瑤臺。留連夜月娟娟淨，披拂熏風細細開。不用葉浮滄海去，芙蓉城闕有蓬萊。靈沼雲深寶氣存，素籀一夕發芳根。烟中鬢髻溪娘

語波面輕盈，越女魂。江月借粧增皓彩，露華和屑貯芳温。夜深更待瑤環供，細挹秋香共一樽。

休誇幻術有仙翁，人定端能勝化工。淑女固應歌窈窕，芳根元自雪玲瓏。秋香入戶搖江羽，羅襪凌波遠漢宮。莫訝西風吹易散，世間聲色本來空。

西村二詩

兩月秋霖不出門，今朝騎馬到西村。高空氣肅雲歸壑，老樹風多葉擁根。漫說田園宜野隱，爭趨朝市羨時奔。古人大抵崇高節，飢凍當時所不論。

秋來泥潦擁柴門，兩月幽棲不到村。野鳥伴畊翔水澗，寒蟲催織繞籬根。有生未免憂飢凍，舉世其能息競奔。仕不力任閑不足，一生心苦欲誰論。

桃花菊四首 一名胭脂紅

淚洒明妃寄露葩，換根非為貯丹砂。黃輕白碎空多  
種，碧爛紅鮮自一家。騷客賦詩怜晚節，野人修譜是  
頭花。九秋霜露無情甚，時約行雲護彩霞。  
為厭秋容慘澹天，故將濃艷發清妍。烟霜輕拂吳姬  
面，丹臉能回白帝權。寄傲儘凌青女肅，開粧宜刺繡  
衣鮮。留連最是東籬蝶，細繞芳叢兩翅翩。  
容色風流操潔蠲，一枝紅雪秀霜天。氣凌金井欄干  
曲，香在紅鸞扇影邊。塞上關氏凝夜紫，月中仙子怨  
秋偏。少陵若遇情增重，肯數重岩細葉圓。  
葉細枝柔巧剪裁，丹砂濃抹入纖荑。朱顏肯逐劉郎  
老，紅影晴圍葛井開。慘淡秋容空野圃，飄瀟風露際

天台晚涼更覺清香異，不厭芳叢百匝來。

苦雨

乙酉歲入秋以來不過二日晴，輒雨如此者已三月矣。九月十六日作。

雲陰交會日長昏，老雨瀟瀟晝掩門。秋氣儘悲騷客  
志，草堂空在少陵樽。寵光蘚蔓滋多碧，蕪沒蘭蓀侶  
少恩。坐聽寒聲萬家裏，幾家繒纈有冬溫。

清明無幾日朝隤，雲不容同霧雨淒。便着長風開白  
日，已令后土污黃泥。冷翻幽壑潛蛟舞，濕鎖喬林健  
鶻棲。萬象沉之水光底，幾時高樹看晴霓。

火鳥翅濕日脚昏，雨中跳蛙亂登門。少陵悲嘆禾穗  
黑，元亮獨酌愁空樽。氣惟協中乃成歲，事至霑溢將  
傷恩。詩人吟詠何所補，笑藝鑪火回春溫。

與諸君會飲中作

駕蹇從來策不前，畏涂有戒莫爭先。但隨白傅看花約，宜信淵明止酒篇。人笑苦吟踈巧宦，天教多病護殘年。老夫歲暮歡雖鮮，每對諸君一粲然。

赴趙子儀飲會

忠烈祠前是舊盟，一樽重約就門傾。但成把臂論文飲，也勝拖泥帝水行。樂事不應須節叙，賞心最愜是閒情。一秋霖雨朝來霽，此會當題作喜晴。

秋懷

醉頭扶起日三竿，掃罷幽軒到藥欄。傍架愁齊書帙亂，繞籬料理菊枝殘。日融虛閣留餘暖，雨積高空促早寒。處置身心閑裏過，不將勲業鏡中看。老去逢秋強作懷，莫教閒恼上心來。人情寡味隨年

薄世事無端觸境開，東閣謾傳梅信好。西風時送鴈聲哀，客來茶罷無多話。共趁杖陽曝背船。

弔王提舉柔克

乙酉九月廿四日  
自經閔王廟內

驚看神色自今秋，奄奄殘魂到鬼幽。叢薄未霜猶足蔽，事機已露欲誰尤。百方作計難為地，一意長歸是徹頭。昨日寢門臨弔處，兩行哀淚不容流。前年除目儘多門，獨喜南來弄竹孫。入手固知餘利孔，刺頭何苦入膠盆。海鷗枉訝多機客，楚些難格不弔魂。漢壽祠前重回首，短筇猶想立黃昏。悠悠末路謀生苦，穰穰羣奔為利來。薄宦得勝閒裏過，畏涂合嚮冗時回。誰知竹實療飢鳳，却變錢神作禍胎。我老不堪多感愴，一污還為素縗哀。

憶初同舍在共城短小於中最幹精取舍近看臨老  
節鋪謀全異早年清舌端雄辨堪排難霜後寒蟬了  
不鳴重念人生生可貴世間萬事一毫輕  
南來作監無多事舉手差池便兩分細論是非俱有  
說大綱向背不同羣以身死事從來有為貨輕生古  
罕聞不獨衆傷非正命秋空低處有愁雲

謝道人惠竹

春露堂成戶牖空閉藏無物禦深冬長梢來覓筠溪  
種祥祉思憑道蔭功清泛細香添瓦鼎靜連秋月想  
烟叢夜來紙帳梅花夢已在融和氣中

筠溪軒詩卷補亡

筠溪舊有亭甚雅往年為秋潦所圯亭與

詩卷俱波蕩不存今歲冬來游紫微道者  
丐余詩將欲補亡且致重構之意仍為賦  
此中間飲客蓋廿八年前同遊者侍臣陳  
季淵奉使覃煥然何平牧今右丞史晉明  
禮部尚書王子勉侍御史雷彥正與不肖  
紫微道者威儀杜大用也時乙酉十月廿  
一日

重到筠溪二十年眼中風物頗瀟然  
慶旌尚憶經行處八客同來作飲仙  
露濕雲梢回曉翠月明瑤圃澹秋烟  
道人說是潛真客更看飛檐插碧淵

慶雲鸚鵡杯

桂魄淪精貯海波神光分秀入紅螺  
卿霏護暖圍蒼

腹丹喙嫌寒縮翠窠縱飲雅當豪客意垂雲無復綠  
衣歌一樽細浥江山筆夢到芳洲碧草多

鸚鵡螺

翠衿紅嘴漫多知不覺流形入化機悽斷隴雲迷舊  
宿潤涵炎海有餘輝酒波碧激珠還浦螺女棲深玉  
作圍昨日玳筵揮飲處故令歌緩恐驚飛  
自嘆明言出更難奮形飛入巨螺間中空蜃吐潛珍  
羽外示文明變炳彰春釀儘供身後樂雕籠全勝向  
來閒深歲且莫輕為用合浦珠神有往還  
何年犀火採螺江一竅重開混沌蒼解語已迷青鳥  
使幽厓渾是雪衣娘海苔暈碧猶霑濕慧舌能嬌自  
閉歲莫遣繡簾明月入湘妃窺伺恐携將

隴鳥何年別故山珠房深鎖雪衣閑調音厭落佳人  
後勸飲來陪狎客間山鬼吹燈驚恠供春風浮酒漲  
蒼灣興來一吸三江盡醉入無何肯易還肯易一作  
不要醉一

作徑

飛潛相化理堪驚老蚌還成隴鳥形鱸吸似憐唐相  
飲江沉應笑屈原醒坡陀海露神奄窟激灩波翻竹  
葉馨我老探竒心尚在醉來歸夢繞螺亭

隴禽辨慧世同誇何事將身學海蝸江月洞空珠有  
淚卿雲覆體玉生花回天不入深宮夢樂聖欣歸左  
相家長憶郡樓初飲處頓令觥斝失光華至元十年  
官居平陽

時監郡邀余飲白雲樓上出  
此器勸客予初見之故云

札刺解斷事官系出

中朝勳族意讀書溫雅尚禮樂與賢士大夫  
相接過衛來訪慙厚之意無以相答謹作  
是詩為贈且見夫妙齡英發之氣云

赫、金張奕葉崇濟時還屬黑頭公讀書志在諸君  
右奉命名高畫省風一札恩光寬大裏八州刑  
憲笑談中

皇家求治如飢渴莫後當朝補衮功

錢王倅北行

邨衛從來八達衢三年不易貳為車一官聊爾開公  
道四海能行即丈夫花外驛亭留故事日邊消息聽  
新除諸君若問民間治最重無輕是使符

壽鄉兄君王評事

七十平頭鬢未毛久將家事付兒曹心便教子初無  
惜日喜延賓不厭勞花木漸成林下趣襟期猶是色  
中豪年、櫻筍堂前客常對珍珠滴小槽

送從事李進玉北上

邨衛從來四達衢三年不易曳長裾持心有道清廉  
在遇事能方長厚餘入幕不知王儉客携行惟見怒  
軒書揚清激濁朝家事不信餘曹止舊除

秋欄四詠為仲略弟皆有和章時丁亥秋季  
也

宜男

松菊庭前草半蕪幽花含笑發春腴暖回堂背孤根  
秀畫出宮池百子圖浥露冷搖金鳳淡翻香重上髻

雲鳥怡然生對忘憂外披拂餘芳任螺鬚

寒菊

三徑歸來已就荒更堪風雨過重陽似憐楚些清吟  
苦留在寒花晚節香黃蝶有情時見過綠樽無酒淡  
相忘蕭條五柳門前路何處斜川接醉鄉

秋蝶

舞困春光興未窮又將心事戲秋風凌晨起暖翻朝  
煦薄暮栖香入菊叢幾夜留連迷曉夢誰家圖寫出  
深宮翩然不逐韶華老飛過畫欄西復東

薔薇

葉下亭皋百卉空秋陽分暖發春叢重滋芳露供坡  
墨兩見嬌黃出漢宮要伴紫荊昌晚節肯容鮮菊擅

西風結根得所元來盛返物為祥恐未公

謝趙主簿惠古餅

貯藏元氣閔重泉土暈苔滋碧頸園枵腹戒貪瞳兩  
餐佳城見日定千年茂陵神筮知金重銅爵澄泥比  
玉堅聞說插花多結實露堂從此得春先

上巳日楔飲林氏花園舍弟仲略首唱

臘蟻香浮金叵羅一聲清艷遏雲歌十年盛節稱元  
已四座佳賓到永和曲水風流清興在茂林依約綠  
陰多柳圈儘帶餘微去未礙花枝照髻皤

和韻三首

朋盍華簪擁佩羅秉蘭聽我醉時歌柳圈泛灑風漪  
去樂事追隨獻歲和座近綠陰花氣重步携紅袖野



吟多杯行到手須沉醉六客樽前我最嗜  
春晚衡門厭雀羅臨流來詠舞雩歌喜從多士明鄉  
飲起此春風扇物和林下幽香蘭草暗樹頭乘暖野  
禽多揚花也惜芳筵散糝亂溪橋似雪皤  
麗日晴川艷綺羅琵琶散趣紫蘭歌衣冠盛集有今  
日花柳春風覺太和闔郡浮觴從此始百壺載酒未  
為多醉歸扶路人爭看不道花枝笑髻皤

喜兩

丁亥歲三月十四日晨起露氣甚潤疑  
為雨兆是夜雨大作至明日晌午方霽後  
二日即立夏四月節時頗旱故有此作  
一氣先驅王露灑夢驚簷溜曉淋浪洗開塵障千山

靜釀出春風百草香人變嘆憂為燕喜歲回時歉作  
金穰兩盃糲飯朝飢了從任居閑總未妨

題雪堂雅集圖

擾擾王城若箇閑禪房來結靜中緣機鋒為愛靈師  
峻樽酒同傾繡佛前談塵風清穿月窟雨花香細颺  
茶烟應漸十九人中列開卷題詩又五年

瑞麥

農使荀正甫過邯鄲得麥一莖九穗蓋未  
之見也作詩以紀其祥是年司農司復立  
一依已行條格丁亥歲夏五月也

麥秀從來說兩歧連枝九穗若為奇物閔極數知陽  
盛人飲天和樂歲宜同穎並歌唐叔稼駢莖休頌漢

房芝天心侶喜農司復一札恩光摠舊規

秋風如水聲

丁亥歲六月十九日酉正二刻得秋是夜  
聞秋風自東北來如大水將至

靜觀天運儘字誠一夜秋風侶水聲志士聽來心未  
穩客牕聞處夢北驚物華披拂爭含實鷹隼憑凌想  
迅征常笑晉人無遠用扁舟東下為尊羹

遊白茆寺

為愛西山欲徧經春風吹馬上稜層千章古木偃崖  
寺一點清光守障燈石磴題名留故事松陰移榻對  
殘僧婆娑最樂雙泉水潤入高峰露氣凝

歌器詩三首并序

昨飲韓進道家坐間出歌器勸酒暮歸醉  
卧既醒夜四更試作二詩吹燈起書覺筆  
端甚來之易也投筆就枕復得一詩侶勝  
前作明日示弟枕請行下合屬即為先和  
也

神物誰移代酒船轉懸金解兩楹間總中便得居安  
理稍溢還成覆水艱魯廟橫陳猶賜寶金鑿揮洒憶  
朝班汪然能起鯨吞興鸚鵡為螺恐厚顏  
卿雲垂彩捧宗彛終日持盈伴狄儀滿斟醪波浮艷  
蟻兩椿春色上修眉致恭幸奉神明器勸飲休誇金  
曲卮抖擻宿醒還頓悟此心總倚便惟危  
几杖槃盂摠有箴古人垂戒一何深以漿為酒雖無

量覆水藏機恐遇斟魯奠兩楹朝復暮崖州一賦古  
猶今儼然頓獲神明觀長記春風拜孔林

賀介甫提刑得雄

海中仙菓自珍奇莫訝秋風得子遲瓠哲定輸陳氏  
子蘭芽休吃馬家兒蒼蒼有道旌遺直繼、無窮見  
孝思湯餅筵前最忻喜老親時抱說含飴

成耀卿以所釀鉅酒相餉走筆賦詩為謝

玉色芳温已可憐白衣持送飲中仙周書盛說神明  
誦齊楚休誇桂酒玄光透銀觥無表裏法傳真體得  
蹄筌醺然坐我春風底夢到明禋二鹵前

廿四年丁亥歲重九日同弟忱展墓奠辭二首

黃葉番番落帽風今年秋祀喜君同生榮沒戚無餘

憾秋降春升又一終玄壤潤涵泉脉遠飢鳥飛去券  
臺空兩鄉相望幾千里長在神靈顧護中

馬亂溪流濕鐙金捨鞍齊簇野棠陰千年盛氣通滄  
海滿袖秋香奠祖林麗石未瞻先世號表行終媿古  
人心哀年最切光揚事此意從來不獨今

奉實野臺之日

為王氏遣

墳南岸相對一方甚高平天然一臺弟仲略因曰可

秋興非關觸物哀時經墟落自悲哉重門未署榮親  
表暗用原涉京兆阡事老岸先為下馬臺暗用董生下馬陵事節叙登臨

車轂擊春風粧點野花開一杯共酌清泉水長繞先  
塋兩面來一作滾滾

送弟仲略得假南行

頭健骨看雲，騅帖爭教墮水飛。假促最先無累，保事纏當重。早知機雲連鄧鄙，春泥遠路過襄城。野店稀，去去莫辭鞍馬倦，迎門兒女要牽衣。

綠毛龜

四海金明一渥洼，伏藏來自水仙家。背裏屬甲元居，長髮散柔絲。翠有華浮出淵泉，看處好泳游蓮葉。認時差杖扶行，嘆陪三老夢繞春烟。鶴禁花唐州城北一井專產，此龜至元十三年十月秋節陪姚左丞許祭酒許詩榮，祿行香東朝禮畢觀交趾所進綠毛大蔡，故云。洛水當年負締書，獻嘉此日野人俱。蒼鱗閃閃精分斗，暖氄氄翠滿軀。元氣嚙來終不老，芳蓮巢處更堪圖。詩成喜覩詞，日賦早晚人文與瑞符。

至元廿四年丁亥秋九月廿四日壽中丞

王兄復放生者，以此龜來獻余，以靈物罕見為賦一詩。明日偶得大定廿三年壬寅冬，党承旨郝侯張甫所進賦，贊墨蹟序說。明時嘉瑞甚郁也。當時竹溪纔以應奉供職，文與翰已復如此。宜乎金百年以來，文章命脈得其正傳者，公一人而已。因念余平日所行造物者，皆使之前知此節。雖出事後，其類大同亦可重也。故併及之。

秋澗先生大全文集卷十八

秋澗先生大全文集第十九

七言律詩

老境六適 并序

夫人生百歲如馳駟過隙能幾七十者又復幾人  
所謂倘來外物猶浮雲過目亦何足道哉因感壯  
年所行多輕生之事趨前太猛一也讀書過分二  
也飲酒無量三也妄慮坐馳四也喜談耗氣五也  
戰藝多勞六也不肖今年已踰六旬念此六夫覺  
五十九年之間何翅是耳而驚而愕且畏且怖豈  
勝既哉故養生之念蹶然生于中蓋其勢有不得  
不然者因作老境六詠庶幾與吾同疾者聞之不  
無少有所戒亦老者安之之意也至于直達性情

以救往失初不以工與拙為計也幸觀者無誚至  
元二十四年冬十一月一日秋澗老人謹白

飯飽即步

殘書讀罷午飧餘信步徐行當澤車接武徑過通德  
里談玄時到故人廬老便步穩靴無機靜愛教瓊佩  
有珺相送歸時燈已上到床一枕即華胥

目倦忘書

辛苦雙明六十強滿前花黑理應常酒盃縱對甘無  
分書卷相看任久忘虛室靖深便默坐午牕晴爛怯  
餘光悠悠未了三千牘吟諷從今付窟郎

言慎養氣

聚首閑談足是非到頭贏得小人歸屬垣有耳嘗捫

舌守口如餅慎動機珍惜無先吾氣浩坐忘深識道  
心微客來客去俱恬靜克已存誠恐庶幾

食甘戒飽

食前方丈肉如陵莫遣分毫胃氣勝百斛盡從中所  
過微軀能不病相仍已飢便飲甘能止過軟雖鮮熟  
即乘此是老坡真聖樂免教携杖去騰騰

寤寐絕思

夢神依例到殘更目似鰥魚了不暝正為瞻寒增展  
轉不緣身老惜伶俜滌除玄覽歸安靜宰制心君入  
杳冥昨旦早興襟韻足不知青鏡髻星星

息藝休心

辭筆縱橫更老成祇來虛譽不根經風雲滿眼嗟何

有月露盈箱笈未停肆口成章終妄作忘言休思是  
頤齡子淵直在心齊妙一字何嘗及性靈

坐倦即眠

坐暖團蒲倦自然夢歸先到蝶飛邊  
石肩井斜傾似隨鳶香散餘馨栖翠被  
燭搖寒影掩殘編  
老來境界無多味  
飢即思殮困即眠  
一作不教  
息氣如吾

體變然中  
和論性篇

香冷燈殘靜枕帷竹牕幽思獨依依  
時情久與詩情澹  
銳氣還同夜氣歸  
空控孤膺堅鶻坐  
漸驚縫掖擁腰圍  
猶蘭臭味雖同體未分  
甘從朽木譏

尚父祠荒草滿扉  
伍城猶在陣圖圍  
飛梁水落橫霜  
汲城懷古

瀨石馬門空半夕  
暉竹簡有光陵  
寢破山川猶是昔  
人非臨風笑煞安  
釐事甘着虛名博禍機

夢王尚書子勉時罷中丞在楊州

分明昨夜夢王褒  
海上歸來從鳳毛  
燈下留連舒醉目  
筆端揮洒挾風濤  
滿囊文具為余贈  
四座春風倦士豪  
與客忽從窓隙去  
惘然驚覺聽雞號

冬藏

木葉歸根到閉關  
遇藏初匪避冬寒  
孔宣何苦韋三絕  
顏氏胡為樂一簞  
庭戶信知吾道在  
光陰移入畫圖看  
此邦雖小無窮事  
定力先須似石盤  
小邑都來掌許間  
紛紛人事日多端  
敢言絕學望希孟  
不解呼盧去効韓  
身老轉驚謀道拙  
時艱難作強

歌歡正須一室虛明地時着閒身引睡者

丁亥歲十月十日夜夢乘船渡一大河既濟望南岸一閣高數百尺牕戶北向自簷至地上下以琉璃大簾垂蔽翠色半天甚奇麗也

雲間高閣翠為簾疑是仙居擁衛嚴虹影蕩搖青帝  
闕海風吹墮寶陀嵐半空倒景驚奇絕千丈搖光入  
顧瞻我自平生多異夢似怜方朔詫雄談

筍飲

李縣丞靖伯約嘗新釀坐客有云酒之醇粹莫胚胎若也遂筍而飲之偶得獨脚句醉歸為足成之如能可君等雅意便當屬

和時至元丁亥冬十月八日也

瑟縮松風滿筍春筍頭筍飲有餘薰醉鄉日月時須  
到太極胚胎昔未分肯放小槽珠作滴快傾浮蟻玉  
為群人間愁緒知多少一酸能消正要君  
誰擬鯨吞罄綠樽一杯聊示試芳温中含妙理何多  
味細捲春江儘帶渾談藉春光搖北海詩憑風韻繞  
西崑知君預報時須意免致來猷月下門

透月岩

偶到君家思適然一峰奇石墮吾前千金欲買初無  
價百穴潛通小有天花露逗香滋碧潤月娥含景愛  
幽妍從今紫翠芙蓉夢不到齊州落照邊

成氏西灣即事



栽種西灣趣已成主人置酒約同傾  
小車來駐林間閣藜杖閒看雨  
后耕老圃生涯非細事滄浪清濁任  
吾纓少陵苦愛溪居好與在千章夏木清

南陌東城占却春西灣深處最藏珍  
青芽破粒柔桑穉紅袖迎門杏蕾新  
醉裡光風多樂事老來清貴是閒人  
就中更愛清溪水隔斷西風庾亮塵

壯年心事幾虧成每對蒼髯聽細傾  
夢裏江湖幾走遍林間雞犬却歸耕  
潘輿正要閑居賦蘭佩誰堪海縣纓  
脫却烏紗有忙事笊頭春釀漉生清

塵纓事海縣謂周彦出為海縣令也

清明日花下獨酌時戊子歲廿七日游洄溪作

人家拜掃重清明羅綺翻香曉吹輕  
不欲把書成久

坐也隨遊子出重城閒雲弄日何多態  
春水平橋不礙行勝事自知還獨往  
一壺來就淺沙傾

後一日雨中招林韓李三君子小酌且為梨花洗粧時新植梨花一株盛開

花滿金罍酒滿樽一盃歡飲得佳賓  
近年樂事無今歲此際閒身有幾人  
祿美勝於三品料臘香清徹六根  
塵風簷數點催粧雨辨與梨花作好春

東坡汲乳泉圖

儋州遷客玉堂仙服食天教得乳泉  
三嚙遽驚滋浩氣一甘無壞是冷淵  
中朝清議孤忠裏瘴海鯨波九死邊  
落月澹隨人不見滿襟風露獨翛然  
道宮獨發乳泉香似與坡仙養浩方  
井冽不從炎海

瘴味甘還比上池觴化機軒豁元胎濕孤影追隨月  
色蒼天地此身忠義在一杯三嚙濯肝腸

送姬仲實隱士北還

紛紛末術例從諛邂逅淇南論有餘賈傳自怜多感  
慨東門何意泥孤虛兩連賓館留三宿天遣幽懷為  
一杼覺我宵中聞未有九峰新說歷家書九峰一作一篇

壽器之國醫

學開金櫃得真傳濟物功深不自賢前輩衆推揚獨  
步復來誰與子爭先青黏有術扶衰謝白髮相看度  
歲年此日樽前祝君壽一杯還代上池淵

白簽事彥隆哀辭

素莽一氣本龍佟心苦時違操與同強仕有懷三品

料發言都是四書功愁隨野草愛春雨恨滿山城對  
學宮誰為魯齊興起地古共門外便秋風

王師中哀辭

玉樹庭階自幼看九霄雲路到鵬搏天門折翼嗟何  
及宅相論微理未安咄咄向空書恠事涓涓揮淚濕  
門闌應怜遺愛祠前柏恨鎖秋風月影寒

壽少尹寶同知寶丁平章子

秀稟金天一氣晶規模全是漢專城當官治劇有餘  
裕臨事知幾見老成門閥起身真相種天池刷羽看  
鵬程一杯領取千秋壽細著檀槽合玉筍

顏氏冠詩寄滿城主仲由祠李知觀

一握儒冠綴七梁金絲勻織玉為相顧瞻遺制從顏

始陪侍先師見色莊中卷在庭聊束髮玉簪橫影夢  
升堂切雲莫美如箕大曾冠三千弟子行  
紋背藤梁玉色瑤師傳元與薛同科薛橫為西漢冠師出高帝紀  
要盤白髮三千丈閑過春風十二窠哀俗幸存加冠  
禮滄浪無用濯纓歌赦餘改作須重巧玉導先期為  
細磋

朱砂餅菊詩并序

秋澗翁觀化於秀春園見菊之種甚多有  
所謂朱砂餅胭脂紅予以白與黃菊之正  
色今變幻若爾何哉或曰接之於艾致然  
予試為之說曰艾火草也菊亦陽種也以  
二物方盛之時使客於艾之末未有不隨

其主之盛氣而變者又赫以鮮者陽之精  
也故有朱砂之異此雖小事亦氣化之類  
也格物者不可不知故序

玉餅金蟬爛熳秋朱砂為質更風流天機欲測司花  
巧物色先從氣類求孕秀似隣勾漏井分香當上絳  
霄棲朱顏厭對紫桑客恐覩空杯笑不休

送錄事薛彥暉秩滿北上

秦隴風聲化有印規模况自左山來三年弊邑淹良  
驥一日銓曹得茂材撫字論功書上考庶能覈實到  
兼該春風領取新除去喜動門山兩翼開

王尚書子勉挽辭三首

淚洒行間閱尺書訃聞三至尚疑虛佳城一闕無開

日聯事三年忝貳車詞筆早推韓愈健曠懷未覺孔  
融踈即知一夢終天別惆悵春風隔綺疏  
少孤綿歷大途遭甫壯光榮四十年氣運倘來方出  
限愛心先斷便終天魂飛楚些和雲慘淚洒淮壩與  
海連左袒客衣三匝去延陵宜為聖稱賢  
婉孌英姿自妙年奎光空照玉堂仙辨教一世龍門  
重誰遣三王鼎足偏曠度包荒無徼略秋濤翻海失  
鱣鱣百舫未醉螺臺酒重為斯文一泣然

遊蒼峪青岩山有懷烈士甄濟

義重於生視若歸封刀無復騁霜威千年喬木高風  
在一片青岩烈日暉元稹論忠真不愧果卿摧逆與  
幾希環山弋獵猶智畏白鳥徹衢煙自在飛

高左山副樞承屢念及作詩以荅雅意

四十年間凡九遇感公翦拂使長鳴三倉論法傳餘  
蘊七札量能綴賤名曉日嶽祠留語別秋風韋曲餞  
予行傷心綠野堂前月空遣流光照斗城

賀士常侍御受吏部尚書

識鑿久歸清議裏恩光今著履聲中文章曹植波  
瀾小星斗潮陽譽望隆除重不知黃散日輸誠思補  
燮調功從今不鎖春風部管取銓衡被至公

題懷孟路宋總管太夫人九秩詩卷

七十邦君九十親人間此事少同倫栢舟高節微彤  
管鸞誥清光照畫輪步履不緣扶杖健精神猶比結  
禱新河陽莫說潘輿樂沁水花時別有春

身寵家溫親老健福全無似宋門榮漢宮傳訓班儀  
在萊子承顏彩袖輕孤節勁於湘水竹九齡春動野  
王城年壽席聞佳語南極星邊婺女明

和陶主簿見寄詩韻時主肥鄉簿

半生鄉國共游居老去文交樂更餘苦厭物情多薄  
相每吟風雅入吾廬一官稍得寬民力三飭何憂進  
野蔬聞說列人真吏隱竿頭還有再懸魚

哀挽七友中丞王兄五首

百蛇墮地一能龍知己相須不易逢僧孺固應知杜  
舍臧洪初不負張公扶搖羽翩翩溟海作養功名上  
景鐘自笑澗松居不巧半生清露到虛蒙  
嚶求友幼同聲五十年来好弟兄零落山丘有今

日笑談樽俎憶平生酒壚不隔河山斷陰翦其如骨

叢征用韓文公臨終事

寂寞逍遙堂後木對床風雨最關情

故人牢落曉星疎此日三王獨在予泉壤冷埋和氏

璧牙籤空見鄴侯書問誰久視嗟同盡老失知音慘

自餘從此故祠鐘鼓地謂去歲冬用三獻禮附母夫人

尚過庭趨處半蘼蕪參議公在時賓客與君相接者

衆响漂山不易安勢張那復漲狂瀾一時附會真堪

畏此際支持誠獨難貝錦斐文哀巷伯瑤琴幽債變

猗蘭一言曾擬桓侯辯醉裏哀箏為謝彈

病臻留飯作終天示我新文已惻然竒疾變常絕四

日佳城埋恨便千年囑遺不及私門事燕翼全規誠

子篇惆悵西山埋恨處定應大鳥淚如泉

用後漢楊震事

牡丹

洛譜丹青說典刑，畫欄春日見升平。金盤薦品承朝露，翠幄留香護玉鈴。神女賦中羅襪步，少陵詩裏麝人行。百壺莫惜花前醉，樂事從來不易并。

海棠

桃李無光分落英，海棠姿色占春榮。雲鬟綠擁粧初罷，醉臉紅勻睡未醒。任使無香真可意，放教千葉更多情。光風流轉都能幾，莫惜沙頭倒玉鉶。

挽史九萬戶

半生希古振長纓，隱曾中富甲兵。三篋補遺安世博，千金為壽魯連輕。春風故里鳴珂遠，暮雨山立宿草生。一傳散仙懷素叙，為君珍惜比書評。

小園即事

閒來無事欲何營，總是栽花種柳情。汲水溉餘紅藥秀，透欄看得綠陰成。身叅化育行當健，物喜安舒悟養生。放下虛牕時倦卧，夢驚還聽乳鳩聲。

小園清潤稍堪觀，翠有庭筠馥有蘭。未放薔花金作蕾，已開梨蘂雪為團。鳥欣有託扶疎樹，客喜來憑語曲欄。深院日長須細履，也勝愁坐兩眉攢。

託陶晉卿借鄭氏所藏劉房山行草效吳體出入格

房山一字三過筆，此帖揮洒何其殊。臨游親覩長史作，透綃又似涪翁書。春葩舞女多姿態，遠韻高風見步趨。手追心慕情正切，託君為借今何如。

復作一詩以繼前韻

鄭家數幅房山書自笑仗癢須臨摹五陵裘馬見年  
少兩漢劍履多又儒游談得叙真可壯破塚求法何  
其愚煩君更擊馮夷鼓未信驪龍不吐珠

戊子歲穀兩日

中丞王兄令李子師中携名酒洛花相餉  
作詩以謝殷厚

洛艷紅嬌醴味佳併携春色照人來豐苞細拆先三  
嗅醪蟻連傾盡數杯北坐定應香作陣西園休詠眼  
慵開維摩久病行當問好在春風紫錦臺

括九峯禹貢解北條北境之山

晉北諸山自代來

自襄武嵐憲  
四州而來

胚凝首自霍山開連

延脊脈為壺口南作析城王屋排復折而西雷首出  
一支北走太行崖次又一支為大茂四條明白不須  
猜

大卿徐先生挽章

諱世隆字威卿金進士  
第陳州西華人官至集

賢大

壯歲巍科擢上游如公樂易更風流文章海內元推  
轂議論行間宋與儔鄉校功存東魯盛炬蓮恩在北  
門優自怜狂斐慚提獎爭遣鱣堂一拜休  
東平拜公於私第之前堂時公已在  
病春春于子者甚款既而卒于家

壽總尹劉公

一家英氣蓋遼東聞說君侯有父風作牧首分青社  
土策勳誰比黑河功化行屬邑謳歌裏春自慈闈孝

養中今歲壽筵光景好榴花渾似舞裙紅

龍教授哀挽

東郡教授龍君名卓字取新廣安人善賦學及五星等術士子從之學者多所沾丐至元辛巳與予相遇于滑朝夕從游者旬日一良德君子也後主魏縣簿政有聲今茲云亡其子夔來求挽章特為賦此

當年按部館南衙日夕相過興未涯楚產例桃開實

學天星推跳見名家大任山下游竜洞歸鴈亭邊望

暮沙此日題詩重惆悵為君回首眷西華南齊任昉之子

商左山哀辭

商孫膺敏矯猶龍千載流芳見此公佐魯謀猷元克

壯定秦功力更沉雄城門被藝池魚涸臣罪當誅聖

主聰老淚不緣知己痛麒麟臺上又秋風

夾谷尚書哀挽名之奇字士常終吏部尚書

品彙流形萬不同銓量平允儘清通思非出已知誰

怨天不遺賢見道窮三復苦辭歸汶上一官催老掩

曹東菴大塊升沉裏重為清朝惜至公

追挽承旨王文康公

文章四海一康公烟元精貫自中盧聲名先金榜

重歐陽仙去玉堂空道由實學明真用義不忘君見

至忠惆悵當年門下士斷雲低處望曹東

左丞史公哀辭并序

左丞史公之薨客有云者余曰事機之



來雖理有難處度不違於義其寵辱有不  
足驚者當克明之無定力以順受輕則伊  
鬱而自沮重則至憂悒而殞越正以不安  
而無定力故也嗚呼史公不少隱忍以光先  
正之業而至於斯其命耶抑以有未安於  
所受之正耶于是作是詩哀之

鬢金貂漢九卿太階平自栢臺清儘將事業傳鍾  
鼎不特家聲藉父兄自村行歲無所慊此生榮辱不  
須驚辨姦聽徹唐君說淚洒春風滿豸纓

丙戌歲中秋後二日夢過真定與宣慰張  
鵬舉相會作詩為贈既覺頗記首尾意韻  
因足成之

九月十一日忽英甫過衛  
說張是月三十日卒於真定

千里提封入控臨不知秋氣上華簷紫泥頒寵何三  
詔丹宸輸忠見六箴機務固方前日簡論思尤比向  
來深

謝吳蔓慶憲副良友

十年局促伏轅駒解鞍歸來樂自如奔走止緣餬口  
計支離况是不材樗常因客遇知安徒多謝人來問  
起居把酒竹軒猶昨日清詩想似向來矐

寄贈介甫憲倅聞除興元總尹

方聽新除入歷城忽傳改授漢中行霜空暫息騫飛  
翮民社教優撫字聲伏利試尋山水堰遠征先邱異  
方兵如承高省相垂問老我山田二頃耕  
送徐正卿秩滿還漳南

共筆灯牕憶昔時，只今相顧鬢成絲。三年調議良多益，一道將迎不易持。辭別已餘連日惡，直清留在後人思。漳南未是歸棲地，要與朝家作羽儀。

謝湯宣慰惠書

閒來何物慰窮愁，細把調元入校讎。相業有方無限事，室書能幾不容抽。已欣惠賜承蘇集，復夢翻香上郡樓。插架萬籤容遍覽，鄴侯人道是湯侯。

代書寄友舊二首

匪為窮愁日著書，閉門經史且相娛。為吟魯酒無多味，任使陶鎔乏見儲。黃卷能教吾道在，青雲未覺故人疎。有時夢到烏臺月，奄奄猶勝閉婦車。半紙功名不足書，暮年心緒若為娛。背時伎倆輸鳩

拙度歲生涯，儉擔儲。為寂恐貽高密笑，不才爭似孔融疎。退歲入密真吾事，誰遣門多長者車。

西村三首和韻

種來佳樹日扶疎，秋草當階不忍鋤。城府事囂閒靜重，林壑秋熟物情舒。溪行改迳農耕後，漁浦移梁水退餘。我自興來成獨往，手拖拄杖不巾車。

近歲行藏匪自疎，宵中刺鯁要誅鋤。通明縱使同方進，樸鈍何如似魏舒。堂上吟漫從肉食，橘中遊戲喜霜餘。八騶前馭非吾事，正要安徐下澤車。村量身世兩華疎，去學淵明荷短鋤。時事未容閑裏過，人心安得老來舒。沙鷗遠汎機先識，穴鼠深藏壤有餘。我輩所行多倒置，早資舟楫水資車。

寄道之憲使仁兄

匪為場苗賦白駒別來多事復何如臣門最喜心如  
水故第猶知里號標落七壯為天外客潭七老向府  
中居為近日二憲使不出司故云使君若問年來况山澤依前老病  
癯

聞平章由公薨於維揚以詩挽之非舊言不徒言

邂逅灤江讌語頻外臺初建首先分風雲契厚真吾  
相魚水情深有分民名在諫垣称鯁直力輸  
王室最公勤豐碑會見千年後猶是中朝第一人

丙戌除夜

盤花紅卷燭光搖一歲過七盡此宵凍坼臘香浮栢  
葉暖移春意上梅梢拊心自信愚忠在流涕還悲解

肉消揣分要知温飽力此生無地答清朝

賀文卿同簽宣慰河朔時真定連年旱乾

春風花發四隣香曲巷時過笑語長議論有方消鄙  
薄功名無地不輝光簽書樞府孤忠壯愾敵長江一  
葦杭今日八州歸總轄又煩和氣致時祥

同簽趙公挽辭諱良弼字輔之遼東人至元二十三年南遊京洛卒明年正月二十四日

夜見于夢托于令易其名諱辭意甚切不然目將不瞑矣遂追作是詩以記其意

識遠幾汎任獨勞不將虛譽冠時髦使華光動扶桑  
日樞府謀深尚父韜四海樊川遺隱在九原精爽與  
秋高分明夢裏來相託抵掌猶能似叔敖

禮部尚書許公挽辭官至榮祿大夫名國楨字進之翼城人

當年劔履上星辰忠謹持心老益振藥籠功名開壽

域朝端風度見誠臣，勅漿有味霑餘論。卿月分光照  
近隣，我自計聞增悵望。白雲長處是滄根，  
凶計初傳不忍聞。惜從朝著失忠臣，安常每懼非  
常寵。格物還深濟物仁，貶損定交何眷厚。燕閑相遇  
更情親，麟上細約車聲去。長憶同遊過闕晨。

宋賓客弘道挽辭

景玄絕學到縱橫，此老猶能見典刑。相府才華推上  
客，少微光彩動前星。誠身初不離儒行，進讀何妨  
雜貝經。正有莫教傷餒恨，併隨神劍閔泉扃。  
萬有紛華入醉吟，都將誠靜粹靈襟。雲松卧壑存初  
志，望苑霑恩豈本心。談並齊諧疑志恠，學空滄海  
別穿深。斗間縱有龍泉氣，淒斷春風綠綺琴。

追悼叅政李公仲實詩有序

至元丁亥二月十日，夜夢李叅政仲實再  
拜向予，顧指所佩鞶囊曰：吾平生盡在於  
此，他日會須累君，但不敢輕易發也。既寤，  
悵然者久之，因追作此詩以見其神交之  
不昧也。昔李衛公見夢於令狐綯，懇其北  
還，綯畏其精爽白于帝，得以歸葬。今李侯  
明以後事來託予，老且閑，不知何所賴焉。  
冠劍風雲擁漢庭，斗邊喉舌振孤聲。漢儲與翼非輕  
託，蜀酒雖多每細傾。身後哀榮光謚冊，夢中精爽似  
平生。分明指顧鞶囊事，一縷幽光要累卿。

挽教官石仲遷

名與義鄭州人少為縣吏後  
從李野齋學終南京教官

臨試東過僕射陂封書投贄識君時生猶積玉期三  
獻死愧囊金味四知塵世驚回黃落夢帝京悲動白  
雲辭因思吾輩豪雄處貧賤能安貴不移

送府判李侯赴調東曹其懷與政備見乎辭  
却衛交衝辦事難送迎終日不停鞍去官不到瓜期  
代在分能居幕職安衙鼓通嚴披訟牒厨煙炊碧澹  
蔬盤回看奔走風塵際却恐新除是振冠

代書奉寄子明宣慰

時為濟南宣慰

五載因官寓鎮陽朋簪盍處佩殺鏘金盤爛醉雲樓  
酒綉騷其物即今之半臂也同披燕寢香樂事有懷終會  
合名泉無計共徜徉空餘情似康崖水一脉勾連到  
海長

壽子初中丞

鼓瑟春風記點同轉頭俱作白頭翁遠遊長得知時  
報微恙行收勿藥功巾卷在庭隨燕几嬰香和露濕  
簾櫳暮年縱有周公夢輸與浮雲度太空

送史邦直之任竹山

縣屬房陵更在西一官雖遠儘施為王風漸被無遐  
迹異俗能安戒鄙夷會待音姿超駿足試教銛穎發  
囊錐彩旗開簇清江渡想見春風到任時

丙戌歲除夜

去歲椒盤一笑樂今冬除夕倍凄然莫餘靈按鐘聲  
後坐對陰容燭影前存歿不堪思往事康寧還喜遇  
今年數家剩說新春好夢到梅花小雪邊

奴星具糗送窮婦，夜以蘭堂燭影低。梅雪溢寒嚴癘，  
鼓枕香留暖潤盤。犀試傾臘醞，歆椒頌已覺春風拂。  
畫雞明日書雲臺上去，蒼精橫角看杓攜。

答何劉二端公

屢有人來問起居，近年為况果何如。每承省錄常深  
感，欲話行藏不敢書。逐宋有慚規什一，歸田無力把  
犁鋤。時上夢到霜臺月，靜聽烏聲尚起予。

挽李子陽

早歲龍門接茂材，相携有意上台階。夜書稱快元康  
在，詩思爭高岳掌開。落月滿梁清夢斷，旅墳三尺野  
烟埋。微官殆似台州鄭，拊卷題詩擬八哀。  
三十年前成邂逅，酒壚傾徹醉顏開。筆端力挽狂瀾

倒袖裏親携太華來，淚洒行間遺草在。恨埋泉壤劔  
鋒摧，因思秋雨蒼苔句，何限令人不飲哀。

餞士達御史還臺

通家世契鬱蘭金，驄馬南來屢見臨。披露義襟餘悃  
幅，酌量時務入精深。眼中白壁真無價，調外朱絃有  
賞音。回首炎荒四千里，一杯不惜為重斟。

秋澗先生大全文集卷第十九

秋澗先生大全文集卷第二十

七言律詩

西溪見夢十月初八日夜五鼓初

柱面相看几格間笑談似與浣離顏越裝已辦宜趨  
往江路雖遙不久還魯國自來尊北海謝家誰更作  
東山瀟灑夜雨蓬牕曉細酌清樽與涕潛

儀封道中

驛館殘缸曙色分馬馱殘夢走跋去家已遠誰為  
侶到處相逢有故人健羨鵬盤慚始擊靜便蠖蟄返  
求伸一杯拜酌睢陽廟激懦扶衰尚有神

睢州道中寄友人

奉 詔東行獲所安却憐衰朽強為顏 恩緣至渥

酬無地事不預防多後艱遠馭有方清百越織埃何  
補奠三山殘年正要相料理既不吝辭望早還

遇歸德寄何相

白髮年前六十三強扶衰朽去江南心知義重吾何  
惜老不身安事恐耽弩末縱能穿魯縞病軀胡可敵  
閩嵐鄉閔回首四千里正賴君侯與細叅

十月廿七日過下邑喜與趙彥伯侍郎相

遇作詩而別

暮色增寒慘驛亭燈垂紅燼盡情明長年幾夢溪堂  
月此夜相看下邑城流落蠻方真可畏笑談樽酒且  
同傾回頭楚水楓林下熖上聲華定彥卿

宿宋家山趙氏田舍

白髮搔來不滿簪就中誰遣世塵深野烟遙認圮橋  
月霜夜初聞楚戶砧長路苦吟支睡思客牕無夢耿  
鄉心前行說似安夷道隱上青山轉榭林

揚州送劉漢卿東歸汴梁

海鶻翻雲下錦鞬眼中人物見風流誰期淇水三秋  
別却作維揚數日留樽姐留連江上月風烟吟晚竹  
西樓馬頭細嚼梅花句又領春風入汴州

西湖

西湖三面簇青山淨拭菱花照翠鬟蒼海月寒龍火  
露彩雲仙去鳳簫閒無多樓觀猶圖畫最好風烟近  
市闌鄭重綉衣周漕使盡船春酒待余還

留別左轄台相



兩浙江山漠霧雲吳儂輕剽到羣奔終寬防異須威  
霽稍困隨方以德存龍寵優來心愈小義方嘉慶  
勢忘尊忠傳孝繼平生事長見風烟擁戟門賢正是一作薦  
台衙職桃李  
何須在一門

己丑冬仲三日與宣慰楊子秀總管高瑞  
卿侍郎田榮甫三君子邂逅於餘杭其喜  
有不勝者以詩留別情見乎辭

北來冠蓋拂吳雲試計分飛動十春意外論交緣義  
重天涯相值更情親放懷罇酒難同舊照眼梅花搃  
可人明日浙江上去寄聲多逐荔支塵

下大安嶺俗云分水嶺

宿霧霾山苦未收馬衝寒雨下關頭紅雲軟脚揮三

爵碧玉攢峰湧萬丘日月麗天從北轉山川分水盡  
南流漢家聲教今無外誰遠氛妖孛斗牛時汀漳州  
鍾冠作耗  
未平  
故云

三山元日

臺藝天香簇絳紗三山簫鼓樂年華竹枝歌後多淫  
祀燕子歸來識故家荷髻開粧餘翠貝蔬盤勻釘雜  
魚鰕殊方風物雖堪賞爭遣哀年客海涯

贈之問泉尹福州庚寅三月廿一日作

社燕秋鴻十載餘天涯邂逅兩矚儒九遷論秩心何  
有百折當機氣自如喬木故都思往事月明滄海炯  
遺珠春風回首桐城郡時訊平安見簡書一作小書  
送李司卿輔之北還名天祐安次人同年  
御史也今為戶部尚

憲府乘驄憶舊遊白頭相見嶺南州地連瘴海三山  
月人在元龍百尺樓此日又驚成契濶異方誰與慰  
淹留交親若問哀年况夜七秋瓜夢故丘

庚寅春三月與張叅政獻子李司卿輔之  
會飲九仙絕頂其道室榜曰

四千里外同羈旅三十年来老弟兄樽俎喜陪今日  
宴江山難得晚來晴岩花帶露春容濕醉袖翻香笑  
語清莫對雲霞說輕舉蒼生料理正煩卿昔張叅政  
旨料

八州  
民數

暇日登道山亭懷古亭在烏石山巔有碑  
刻南豐記文其上刻鄰霄臺三大字

閩會東南控嶺溪斗牛無字歲無飢文風興盛猶唐  
館霸氣沉雄入劍池海近重城朝日蚤山蟠平野暮  
江遲危亭一片瑤鑄在晤語殘陽倚杖時

送師彥貞蘭寶臣二御史庚寅四月  
十九日

半歲相倍百越東林時人道嚮來驄劍華光動蛟螭  
匣豸角霜嚴簿領叢明月共看千里隔劣峯迴憶一  
樽同偕來不得成偕徃目断三山羨去鴻

大中德長老見贈竹輿作詩為謝

人老筋骸不自持乘堅策駿兩非宜憐師雅意慙勤  
甚惠我班輿結束竒花底徐行間看處陌頭趨進早  
衙時醉歸更比籃舁穩一任山公倒接羅  
贈鼓山長老平楚

不下禪床四十年老軒頭角出冷淵久從貝葉傳心  
印來與雲山結靜緣蘭馥蕙光增斌媚竹風松月共  
清圓荔丹有約重登覽轉首天風恐颯然楚有畫蘭絕句故云

庚寅夏四月送

二御史回淮安道中即事語知己者

五千里外一哀翁八郡規為與省同眾口鑠金方作  
異諸生鳴鼓欲誰攻寒封老栢常年慘暖借繁葩盡  
日紅夢到垂虹亭下水雲帆千尺掛秋風

遊鼓山五首

并序

鼓山在閩中為特秀余到官五月

王事鞅掌未遑登覽以盡江山之勝迨明年

庚寅四月庚辰遂與天平 叅政獻子大都

李郎中德昌御史聊城師彥自居延蘭寶臣

提刑東原曹仲明憲懜張遂良程舜臣何舜

卿來游尋前盟也辰刻抵戒院舍鞍肩輿迤

邐而進至望州亭主僧平楚來逐用軟脚例

酒數行歷松關由石門入白雲寺適簽省樂

公亦供佛來此乃相與禮像殿浴佛於殿西

寮既而飯芳峯文室眺上方重閣降觀湧泉

步入靈源洞度喝水巖登天風海濤亭觴詠

間獻子德昌扶携上征徑欲造大頂峯足觀

紫陽遺刻石巖雲荒中途而返時宿兩濯山

林壑爭秀烟霏空翠有顧揖不暇者莫不欣

然忘歸冲心若有所得僉曰樂哉今日之遊

也吾儕越在絕域縱使重来恐無復此歡耳  
至元歲月不可以不紀詩亦不當無也明日  
探囊得唐律五詩俾刻諸亭上以為山中故  
事

峰迴路轉已層雲望遠風烟接海門宿靄去收千嶂  
兩老僧迎勸半山罇岩幽選勝窮詩境山迫登危黯  
客魂濶絕殊方同大塊坡仙心事強為論  
筍輿同駕躡鰲臙冷帶秋聲入白雲雪竇有禪容暫  
叩名山無分與平分雲憐嶺斷聯松蔭兩惜題芳護  
蘇愛會約贖公重借榻鼓音同向夜深聞  
上方游遍雨花天洞壑尋幽得壯觀林影蕩空金界  
濶天風吹袂海濤寒江山若爾不一醉杖履再來無

此歡詩在眼前拈不出碧瀾秋色上層巒

杖藜尋壑游初遍倚檻冥搜興未闌濁酒一杯方大  
嚼蒼烟千頃要奇觀放教眼界寬無際徑上山椒不  
作難苦欲攀蘿窮絕頂海濤風勁不勝寒  
複嶺重岡奠七閩鼓山東峙最崇尊嶼亭詩好風濤  
湧靈洞龍移窟宅存千尺翠屏宜晚對一泓滄海儘  
雄吞雲烟相載歸時晚月偃松梢玉一痕

道山亭燕集

霜簡無華鷲為朋追隨飛蓋上高亭霏<sub>上</sub>空翠沾衣  
濕浩<sub>上</sub>雄風拉瑟聲已愧東山空雅志枉教南斗避  
文星夏來猛把欄干拍轉覺時情未易評

酬余招討見贈詩韻

秀孕江山氣自靈，余君襟度玉亭仁。高軒過訪承佳什，世事開談見遠經。秋色望空喬木國，海商爭避客槎星。又聞占籍多陰積，一戶從良近百丁。

送魏叅政赴邵武時與江西三省會合破賊

畫省分麾出越營，跳梁黠鼠已潛驚。環郊多壘真吾責，報國丹衷在此行。獸困可擒須急縛，民安無畏是佳兵。遙知帳繞生犀地，草木風前搃戰聲。捷一作

省郎李應中見示所藏書畫因題其後

畫省官書不片閒，撥忙能結澹中緣。吟餘紅葉堦前露，夢到蒼江月下船。鑒定正煩君具眼，收藏還擬世珍傳。古人已矣精華在，時復橫披一漉然。

八月八日雨中書懷

自到閩中十月餘，老懷未省兩眉舒。命緣限蹇行多拙，心與時違意轉踈。夜枕有蛩妨睡思，秋空無鴈繫鄉書。桂香簾幙中秋近，愁對清輝憶故廬。

小樓秋望其下即福之西湖

芙蓉吹老白蘋風，隰有游龍草有蛩。湖水已翻寒日影，火雲猶作夏時峰。清時還負無能責，老境其如所事慵。推放小窓閒寓目，秋來無物不愁容。景聯一作增心苦人到高年万事慵

寄紫山憲使

去冬相從入臺叅，君任平江我更南。不惜殘年趨海嶠，擬將風義壓烟嵐。得時可進成虛步，縱說知難到

強談歸見紫山如有問此身於世百無堪  
景聯一作碧雲暮合  
人千里白髮愁多雪滿簪

秋兩

秋暑燔空勢莫禁西風吹起傳岩霖  
驅雲湧海連三日潤物回枯抵萬金  
火傘炎收閩嶠瘴烟螺重拭越山岑  
露霓未洗戈船甲愁絕孤臣一寸心

御史陳君濟來知紫山病告已滿浩然北歸余以微官自絆留滯閩中未卜歸期定在何日慨然感而賦此

南來同任君先往自絆微官固可憐  
書考已甘陽子下着鞭又為祖生先  
碧雲暮合人千里白髮愁攻雪滿顛  
去去吳江西下路姑蘇臺上月空圓

寄叅政何公

黃閣年來相業多忠腸輸瀉略無他  
物情雖異歸包總鼎味能甘賴爨和  
客子遠聞欣欲舞海風何處偶揚波  
時草竊議起故云 殘年喜見升平事  
歸老田間儘浩歌

寄左丞馬公

黃閣清風相業多漢家機務到賡歌  
默涵羣動歸包總力贊孤卿罄爨和  
春草閑嘶沙塞馬秋霖行洗越船戈  
古今多少調元樣丙魏聲華未減何

即事

耳聾瞳昏久病翁暮年游宦又閩中  
一句好快無三日百計隨人到五窮  
每署細銜慚已曠雖無私遇亦何功  
揣量薄分宜歸去免着通人笑未通

卧病中即事

萬慮消磨只一身，一身猶為病遭迤。老饕終助脾神，喜濕熱還攻眼力昏。蔬飯半盂嗟強食，物情千變苦難論。前期七十都能幾，更有何心到競奔。

即事

地僻天荒自一方，江山環鎖瘴烟鄉。炎涼失節人多病，勁躁難馴俗返常。媚竈王孫方怙勢，背時郭老怎當場。欲行莫克行還阻，乞取閒身且六藏。

芙蓉

平生不識翠苞纖，真色還欣到爾瞻。嬌綻葵芳無兩樣，開裝橙葉更多尖。一溪野水明粧鏡，滿樹清香拂繡簾。開謝已甘秋色晚，碧桃紅杏我何嫌。

卧病吟

四大尋思孰主張，百般調護不康強。火頭孛尾方為菜，肝氣脾神互見傷。秋月欄干吟袖冷，曉烟庭戶藥鐺香。夜來一笑伸眉喜，夢裏分明到故鄉。

閩中即事

誰作新詩採衆謠，八州淵藪萃逋逃。蒼烟滿樹驚泉嘯，白日四山聞虎號。取辦急徵農最苦，仰空哀懇彼何高。內奸不止終多寇，閩敵徒教殺爾曹。為官軍

八月十八日野莫回入西湖開化寺

廩祿已沾三品料，浩然歸志苦遲遲。宦情老去無多味，花樣看來揔背時。林下宜尋歌鳳侶，澗阿閒詠考槃詩。免教方寸為形役，惆悵終年抱獨悲。

送趙提舉仲遠職滿還江西

眼中薄俗日紛七信厚如麟見趙君學館久淹雖散  
秩士林輝映摠多文三年提調無遺有回首歸飛隔  
暮雲忠孝堂前秋色好淡烟吹滿泮池芹

即事

人微職峻作提刑正似禪僧放海青癡坐久為山鳥  
恠急歸已媿草堂靈甕邊吏部方酣飲澤畔靈均謾  
獨醒樂得便行無空礙雲間高躡鳳凰翎

悠心心事欲誰同甚是留侯智與功幸有釣舟藏夜  
壑免教官事縛微躬旬多病假慚虛位獄有繁冤謾  
熱中穩送布帆無恙去小樓昨夜有東風謂諸君津遣也  
西風吹老一川秋劍水東南送客舟寒鴈遠賓方漸

陸野鳧群聚正乘流飛鳴聊欲伸吾志飲啄非徒為  
食謀通塞既知皆素定平泉何為志窮愁

題建寧府建安堂壁

郡名改自炎興後官寺多從五代年草木不知黃落  
候江山渾是寶巖天風時雨若回天漏味厚泉甘覺  
氣全城府自來多險隘高蹤誰躡漢梅仙謂東山稱梅隱云  
於此

子孺腹疾良愈謝全王二醫官全名立夫  
王名貴和

喜向醫林得二髦河魚為祟免憂勞調和臟氣事為  
切護養丹元論更高曾未決旬收勿藥併驅二豎不  
容逃難忘最是真誠意答荷千金恐一毫



活庵方伎若為高濟物心均不伐勞子孺病來方作  
崇脉源看處弱於毛臨機制變元多美勿藥收功大  
可褒自是理明窮隱奧不緣潛授老龍韜非大韜之  
韜蓋借用

孫思邈昆龍  
所授之法也

贈三衢儒醫徐登孫升伯

徐卿奕世傳醫學道濟衢人蔚有功方自千金開壽  
域肱非三折見良工經橫烏几筠籬靜門掩朝暉藥  
竈紅我似病梨無可賦略煩料理少陵驄

又題石橋山

龜阜烟霞小有天半空竒絕石橋山蒼龍背屈雲千  
疊寶月光涵玉半環當局仙人閑遣興爛柯樵子不  
知還一樽醉上山翁馬却逐流紅到世間

繼李昌道見贈詩韻以寄

當年初識歷亭仙青眼相看意愜然把臂喜設天下  
事洗心如聽玉琴絃時文變古多君雅遠馭長驅並  
我先北渚風煙儘瀟洒興來詩思想無邊

遐觀亭南劍州摠尹張戾所構

閩右江山第一州危欄高倚九峰頭大書快觀凌雲  
榜神化空驚躍劔舟冠蓋送迎無少暇風烟吟眺暫  
相醕曉涼多趁薔薇露醉墨淋漓想未休

九日南劔道中

龜山七長林元甲和韻有  
云萬里好風南去鴈兩溪

明舟一

颯沓弓刀入劔州登臨高出碧山頭松風度嶺吹紗  
帽烟水漫溪送客舟萬里故鄉今得往一年佳節儘

為晴滿樽綠湛茶洋酒空對黃花一笑休

憫雨呈幹臣詩友四月十一日作

天人消息兩交通和自羣情兩意濃一旱沆今幾五月四民作苦最三農雷燒赤尾空飛電雲捲黃頭又變風傳語龍棚下客孚誠終始要相同  
嗷七羣動日焦枯何處癡龍睡未蘇穀未見苗耰可望麥方舍實勒來無九閩變豹無餘蘊百郡承風恐失圖試手天瓢儆微恠斯民斯苦果何辜

和錢神詠幹臣二首

解毅開難到處行雖云銅臭最閑情世緣利益稱泉貨時便流行托楮生武子矜豪編竟埒魯褒貽笑愛如兄細思最是通神處買盡人間事不平

鉅室權門坦蕩行反於窮薄略無情散飛庭樹來無迹污濁羣心到處生取象有天還有地縱貪無父亦無兄存心思草交征弊何處銅山剝可平

芭蕉扇

輕篋如蕉一樣新褚衣筠骨製來勻隔牕兩落驚真葉灑面風清來故人嘗羨楚材為晉用却嫌紈素化緇塵會當柄在調元手與播南薰解愠民

近讀夜永不寐等作覺清而頗寒吾恐傷中和而病吾子也因復繼前韻假辭而薰炙之亦晁補之擬騷之遺意也幸笑覽

燭影紅搖夜色侵香添菱葉鬱重衾鳳琶調軟歌能合竹葉盃深醉易沉綠鬢追歡燕市樂翠屏歸夢越

江吟平明剝買扶頭酒不向諸兒計索金  
夕坐虛窓夜氣侵欲眠還未擁孤衾書因倦讀從燈  
暗物不櫻懷任思沉肥遁世高雷子節清貧時見曲  
山吟舊游相望成三老既老能閒抵萬金

和曲山覓菜詩韵

鼎餽藜杯一槩平見君曾次匪餅罌屢聞飯糗同鰥  
舜似要侯封號頡羹靈府天和流玉甃露盤詩思靈  
金莖腹腴蹠脆皆吾欲二者難兼恐物情  
貧富因君嘆不平食前方丈對羸罌一簞雖具黃糧  
飯滿豆長空碧澗羹甕料不聞波底語秋光時見鬢  
間莖細思清苦多吾輩愈見蒼七責備情

和幹臣詩魔韵

倦懷欲罷不能回啾唧唧嚶雜嘆歎清禁事嚴微服  
入華山峰好倒看來禁持作崇非無謂狂斐緣渠不  
解裁鳥瘦郊寒遺像在至今追想日悠哉  
詩家何苦似魔為遠絡傍搜沒了期鼓舞有舒還有  
慘禁持似醉復如癡鼎邊苦思多窮夜江上寃魂獨  
語時伴老此生成底事乾坤清氣幾人知

睡魔和韵

醺然一氣熱相纏不是晡時即午前  
齠枕九無可濟昏明心境陡相懸  
見侵多是群疑後澄治無如一  
破先不羨老歐能善變化為鸚鵡舞翩  
欠呵舒挽速如神不是愁縈即思焚  
釀就黑甜濃有味撓昏靈府黯無聞  
魂遊纏老三峰客茗戰摧空七

碗勲經事不為渠呀泥邊韶便腹見多文

和幹臣齒痛詩韻

硬啣豪餐養老饕先生編貝若為年熱流支脉知來  
漸痛拔孤根訝許高縱使舌存宜晦默更堪心苦恣  
焦勞休件事七從輕減急年先須止濁膠

折齒吟自慰

朝來齒折五神驚勢若山為朽壤傾缺豁醜於韓子  
態嘯歌妨盡幻輿情病根何益華池漱五色空傳幻  
術生駢潔浮危雖自取世間何物不虧盈

適見總府應

詔薦章偶得一詩庶明鄙意呈幹臣

齒牙缺豁雪蒙頭更有何心接俊游一自

詔條頒雨露盡催遺逸起林丘韞藏積玉知無限刻  
畫無益最可羞經濟斯時公等在此身天地一虛舟

寄胡紫山提刑

蒼顏白髮兩哀翁前歲將翔馬首東常喜笑談猶不  
淺靜思行止略相同閭門凍鎖連江兩瘴海炎吹發  
屋風兩地生還幸無事更何心到炬蓮紅

寄六祖真人

涉世筋骸百不堪只堪打坐老書龕眎難遠矚目全  
眊聽不能聰耳謾耽臂痛帶來梅嶺濕心煩漸染瘴  
江炎客來問訊承佳意蓄縮其如向老蚤

五月八日同幹臣遊耿家池上

弱促城居鶴繫籠綠荷池上暫從容花明淡豔池光

外詩在扶疎樹影中老厭宦游追俊彥天教閒處著  
踈慵日斜尚約遲去散坐高槐洒晚風

和幹臣山居

細想山居有足論既便嘉靖不知貧霜封幽谷收朋  
粟水漲前溪送東薪茂樹坐移隨所適良苗耘罷見  
懷新隱居不見求高意千古淵明最可人景聯一作樽酒相勞

鄰曲厚樹林交蔭鳥聲新

山中有樂試為論石上無禾未是貧溪隔圃田多滯

穗霜催林葉自添薪醉談有味漁樵熟野飯加餐荀

蕨新太朴嵌來非復古隱居求志果何人一作半道

蕢隔林孤唱聽雅薪瓮笥春釀雲腴舊園摘秋葵露  
葉新朝吟樽湛等醪釀夜話垆煨紫芋新遠隴秋餘  
多滯親中林霜後半蒸薪時耕  
白水親秧稻日斫青山自負薪

隱仕初終絕異論淵明憂道不憂貧比如違己心交  
病何似行歌自負薪意外風波平地險山間煙景四  
時新此生只向黃塵老笑煞義皇向上人

和幹臣以目疾詩相傲

老來襟抱百無圖遮眼唯便幾葉書不爾心神渾散  
漫豈知目力陟垂踈晚年愈種玄花盛平日豪吞綠  
醕餘氣習屏除元易事急須顛倒坎離居  
常倚精神壯未殊有時豪飲痛觀書形骸未化無非  
苦寢鍊其間敢自如赤貫瞳人昏若蔽濕留肩井冷  
難除人憑手眼今如此更有何心望玉除時往往傳

之命故云

掃晴婦

今年夏六月初方雨凡六日不止前去秋  
節止廿三日亟晴秋種生發能有幾日又  
諺云秋后一十八日百粒不結已種者為  
兩所拍艱於出壟方種者嗚土粘濕不易  
耰作兒子輩戲作掃晴婦懸之前簷明日  
開霽因作是詩以見其意云

澹粧烏髻綠衣衫一線高懸舞畫簷  
笑着茗枝揮素手盡驅雲影入蒼巖  
掃晴既出兒曹戲指日何殊艾子談  
百穀近秋苗未立義和先斂壠頭粘

江山萬里圖

勝覽何人作此圖雄誇天險亦居上  
經營意匠犀工上慘淡風烟百戰餘  
並轡相夷嗤宋魏舞于來遠美

唐虞只今一統無南北正要懷柔謹厥初  
一作指顧漢封真米

聚追奔秦鹿此山虞

江山列地出新圖限隔東南見奧區  
與校廟謨雖有間細看邊備到無餘  
忌功去介甘捐蜀併力亡金笑假虞  
千古美芹高議在不應成敗論終初

喪馬和幹巨韻

大夫而後不徒行為罄囊金市此乘  
耳削秋筠分額髮臆團孤月映鉤膺  
長鳴尚憶看雲立論力空懷以德稱  
得失塞翁深領會天教閑坐看飛騰

過郭璞墓

墓在金山西北大江中流亂石間有叢薄鴉鵲棲集望之如蒼雪者蓋烏矢也

青囊書秘造精深  
法入傳冠古今一死祇緣撩虎

尾孤墳何故葬江心師從鬼谷宜多恠山湧胥濤不  
寸侵世傳江雖大我特回舟酹公去翻上寒鵲落蒼  
岑一作漲水不及墓

佛狸祠在瓜洲城

江山照眼舒清眺千古興亡隨眼前瓜步市長連野  
戍佛狸祠古慘荒烟拖樓看取平吳日父老空傳飲  
馬年此日不須開濁浪好風都屬徃來舡

即事三詩奉呈幹臣明府詩友辛卯六月廿六日作

絲殛苗夷併放驩九官相讓濟時艱閭閻有喜科差  
少烟火全疎傳舍閒兩澤潤寬無遠邇  
詔條恩溥到惇鰥  
聖皇撫御超前古慶曆元和未易攀

恩書一札變虞驩盡草前非免後歎星影不祥天字  
靜邊庭無事羽書閒震霆摧惡無留積霖雨思賢到  
有鰥若把古先相比擬周成唐憲敢躋攀占法云民勞則天星

巖廊吁咈處工驩萬死猶難謝世艱向奉御禿列死  
其膚今相哥自請死同禿列若交汝便死天下人謂我何為念民  
自裁書詔畫防閑求賢不啻飢和渴發政常先寡與  
鰥蠶風小臣雖片善一畸鱗翼盡期攀今歲自二月至五月凡兩  
聖裁詔條皆出自

韓齋小集呈幹臣詩友辛卯十月十日  
十日秋霖不出門偶同藜杖步城根故人雅有平生  
好尊酒時陪一笑温野菊翻香怜晚節露茵團蓋任

朝暾暮歸欲乞天孫巧却歎儀曹是妄論

送同仁甫之任武陟

寬則民輕猛則殘化行州縣固應難紀綱綜務見常  
操臺閣推勞不素餐能使弦歌千室樂何憂風雪一  
家寒未辭請益吾何有一札 恩書與細看

秋澗先生大全文集卷二十

甲戌三月十九日校

秋澗先生大全文集卷第二十一

七言律詩

溪田晚歸

百物秋成次第芳野人籬落散幽光晚禾結秀爭垂  
露高樹吟秋未有霜瓢飲空思罇湛綠盤餐新喜黍  
炊黃歸時更得苑簷美下澤車輕背夕陽

辛卯重九嘲幹臣周宰

九日寒花不見芳西灣招飲儘相妨驅車共載差元  
約冒雨長行有底忙野吹掀翻縵布帽冷香滂盡紫  
萸囊渣泥踏水歸時晚也道龍山會一場

壽李夫人時九十四歲

帝悅風流見二南洞天真侶記鸞驂慈顏媛婉丹浮



類素髮飄滿雪滿簪九十平頭添二二百齡餘慶欠  
三三今年更覺秋容好薦壽寒花滿菊潭

寄竹林劉隱君文甫兼簡苦齋詩老

蓬萊清淺到揚塵林下幽蘭有異芬萬壑烟霏分野  
色一菴間地占溪雲鸞音時接公和歎樵隱休驚豹  
峪君儘着青山暎華髮東州人事日紛紛

周曲山挽章壬辰三月十五日

四十年来老弟兄忍看埋玉入佳城子輿正斃酬初  
志東野詩鳴豈本情六任在官無少玷一貧到骨有  
餘清易車令辦棺衾事猶恐臨行累友生

哀馬希驥

人壽幾何鬼伯催抱羸赴官吁可哀乃知生死有定

處挽斷衣衫喚不迴千室望空絃誦樂一枝風折桂  
林林儀床最是傷心目愁拂青春劍字埃

競渡詩并序

予前年客福唐寓舍在西湖上閩俗自四  
月中為龍舩戲舩鑿長木為槽首尾鱗鬣  
皆作龍形以五彩粧繪且髯其腹取其澤  
也上坐五六十人人一棹柱面對翻並進  
如箭鏡歌鼓吹自明竟夕殊喧譁也大率  
爭取頭標以為劇戲踰重午乃已壬辰誕  
賓節追念往事偶為賦此且記越俗之好  
尚焉又平時花竹亭館四面環合不減臨  
安故亦以西湖名之

五月沅江競渡頻遺風此日見東閩大夫淪溺甘魚  
腹舟子招呼間水濱鏡鼓轟翻蛟鱗室繁華淒斷綺  
羅塵曲終人散青山暮招屈祠前獨愴神

獨頭木香塔吉甫索賦

水晶簾外日初長一架酴醾雪覆牆艷冷不爭春事  
晚香繁還愛獨頭芳看來玉蘂唐昌供幻出天真貌  
國粧壺酒風流名字在醉魂千丈助詩狂

元夕

斗轉春城送臘寒暖回阡陌紫生煙春風兩市華燈  
鬧夜色千門壁月圓書卷光陰清議裏梅花消息苦  
吟邊厭<sub>七</sub>醉裏南樓角無復情悰似少年  
和曲山見贈之什

竹林舊友今無幾白髮歸來對曲山詩似春雲一有  
態倦如飛鳥共知還淵明高興羲皇上葛亮功名伊  
呂間鐘鼎山林兩無濟塵埃空負半生閒

和紫山見寄四詩正月二日作

百險歸來萬里江傍人剛羨老能強閒居苦笑謀生  
拙遠宦空成抹火忙少日搶揚猶雀躍只今蓄縮似  
龜藏絕然却掃閉門坐遇簡還疑近子桑一作太簡誰能興子桑  
晉公鐵面恥將迎天遣汾亭醉六經麟出近郊休  
拭鳳巢阿閣要儀刑茵搖露影從團蓋草腐墻根任  
化螢天賦美材終大用不然編簡為誰青一作大器晚成疑定論  
山立揚休見老成輜車風彩動蠻荆兩鄉相望三年  
別四海論交六日兄諸葛奇才如汝滯漢迹公議

卷三

欲誰明只將健筆凌雲句亦是詩壇不朽名望君重

惜一頌寧七十人生所事休莫將閑惱蹙眉頭看來世運恢堪以酒名網剩却孤懷悄悄憂肉食廟堂均一飽笑談樽俎更

何求樂章聽徹醒還醉夢繞黃壚憶舊游

立春日五詩

正月初九日枕上作

今年春晚暖何遥庭院輕陰鎖寂寥香散南衙牛已碎冰封北岸凍微消老逢月閨憐多日前去燈宵不

五朝居士病來花不染閉門詩思苦相撩  
妄心風旆莫揺且着清樽永此朝詩句得吟如有  
助生涯無幾強顏消平生肉食聊尔耳此日蔬盤更  
寂寞休笑少陵垂白老還家曾散紫宸朝是年元日

立春日時

為待制同百官

望拜內廷西北  
曲山一病保無他卧老行厨閱歲華貧富較來元有  
分鄉閑歸到却無家粥盂得味憑羹美詩陣無前聽  
鼓過早晚黃紬紬被底醉頭舒出使排衙暗用文潞

詩意

輕裘錦帶佩吳鉤曾作江湖萬里遊彩伏春烟縈越  
省為省是年擊梅花詩興醉揚州在家貧好誰餬口萬

事瘕如慮破頭收取琴書林下去益頭茆把要先謀  
為子孺欲起觀稼軒故云

立春節物最風流釵燕蔬盤鬪獻酬暖律潛回交泰  
瑄香塵飛散送寒牛令龜有喜迎新歲任運何心接  
俊游鬱上林梢看紫氣悠上吾道付滄洲是日卜得

泰卦故云

令龜  
有喜

守歲夜

靈案回飈闔戶樞赤囊懸井清屠蘇樽留臘味為春  
酒門插新桃換舊符歲事守來人潦倒窮船推去鬼  
椰揄明朝最是新年喜寬大書來聽杖扶韻聯一作糟塗灶戶  
酣司命火結  
難神打夜胡  
元日

朔夜兒童問寢餘莫催予起動長吁圖書萬國朝元  
會鐘鼓千門走嗇夫璿象謬回齊政斗赤靈何有辟  
邪符沉匕未覩三陽泰愁絕灰心一寸蘆

和曲山詩韻寄紫山年兄

宦業初無一事成誰云祿足代吾耕最怜獨學無賢

友擬托隣居度此生天外鳳凰誰得髓山間風月可  
相迎詩來健美凌雲句轉使孤懷不暢情

百計謀生百不成薄田無幾不任耕洗心大易韋常  
絕拊解劉郎肉不生勢有大行虧倚伏人無定志到  
將迎果哉去作山林計却恐吾儕訝不情

壯年力學老無成白髮何堪事筆耕張子田園婦有  
賦老龐話語到無生一作已分婦田慕張拏雲心事

輸年少拭目時和喜迓迎有客過門聞  
詔語一言或補不無情

人日有懷紫山年兄効少陵清明詩格

前年人日客殊方此日相望各故鄉酒醜不虧工部  
引梅華空斷蜀州腸休驚老態連眉白又喜春風上

柳黃君豈笑談稱曠達我非用捨定行藏風雲北海  
設捫虱花木西城夢對牀晚節得同林下飲不妨間  
處者人忙紫山別業在府城西郭多植綿柳課  
僮奴以梧棧為事故以柳黃為言

和曲山見贈高韵

我愛周元不何中平生臨事見豪雄從傍誰掣拳雲  
手妙用都歸製錦工勿藥病懷須止酒運斤詩筆自  
成風浩然一點胸中氣莫問時污與道隆

肉鼓

肉鼓傳方出異庖玉盆凝就破昆刀縱橫碎漬髒能  
錦瑩潔光翻琥珀膏暖入錫華防性爽味芳禁鬱想  
京麇年高饜飫便天美不負吾坡養老饕

人日贈曲山周宰

近書雲物見豐年寬大書頌兩日前為穀未知明日  
事得官休羨小兒摧翦花作勝徒為爾覓紙題詩一  
粲然遺愛祠前周老子幾時扶杖過思淵客廳舊名先  
大夫所扁

為靳嘉議壽時年八十有三

人生享福壽為先不似君家樂事全春色不隨喬木  
老看毫光動百齡前風雲葉籠多陰積蘭玉堦庭點  
翠妍九老圖中休着眼世間元有地行仙

琉璃肺

擊鮮為具樂朋簪辣品流馨漲綠沉犀箸喜辛忘海  
味霜刀爭割快牛心四筵談屑霏餘烈一縷冰漿濯  
醉襟勝過屠門矜大嚼夢雲飛遠蹠林深蹠一作陰  
音帶

簡寄

魏叅政兼謝白紵之貺

草木先聲漢嫫姚一軍奮洞掃地妖碧雲望杳江南  
道白紵情深鄭國僑水閣燕閒時有待銀坑心計苦  
相撩看七銅柱南邊月又見弓旌萬里招

樂全老人詩

樂全老子見輕安杖屨西城日往還論福有孫應有  
子閒居非水亦非山春風滿意花遮眼曉鏡浮光酒  
暈顏九老有圖宜健美一生班列素侯間

耳聾自感

人生五十未全老天遣吾聰用晦明恠志虛傳三耳  
異省心先得一根清腦鳴日作蜩蟬噪霆迅時無七  
鬯驚物壯而哀自然理家翁稱譽轉尊榮

諺云不痴不聾不為家

過顯軒先生林墓

正月十三日與陶晉卿送客回同拜墓下  
予二人為愴然者久之故有是作庶見夫  
當哀切禱之意云

詩後七日其孫以脾疾亡

整冠趨拜柏林煙事往懷賢一慨然羽翼有圖期四  
皓風雲埋恨便千年斯文未歆吾儕喪乳穉宜為造  
物憐宿草黃岡重回首大書猶是廣平阡

公母夫人封廣平郡

君三字蓋公親筆

良宵散步詩并序

至元廿八年冬十一月十四日同曲山小  
酌林兄北軒既醺相與至珉溪家夜話歸  
見月色烟霏殊有春意因念數日寒沍今

夕乃爾恐一冬不三二朝而已遂步入春  
露坊衝口而成詩何夜無月何家無酒但  
少閑適如吾四人耳

散步閒行不厭頻暖烟門巷趨冬温話淡不限城頭  
鼓歸晚長猷月下門一枕黑甜饒熟睡兩螯風味夢  
清樽竹宮梅信今年早准脩新詩問蠟痕

和曲山題太一宮詩韻

蒼精宮闕五雲高千劫塵緣謝世勞太一旂常王母  
使真官裘帔吉光毛仙家功行何多品人物中和第  
一曹近日蓬壺到清淺獨留春色醉仙桃

蕭爽神庭積翠高東瀛修復堵宮勞法傳四葉光前  
後望重層霄一羽毛粉飾皇圖開治道庇庥廣厦

到吾曹見今慇懃太一池邊月曾照銀觥醉露桃圖謂初  
十年前陪諸公陳修國史立臺省等事燕集方丈前除庇庥廣厦接禮士夫也

喜雨

秋冬不雨到中春攏麥黃芽起旱塵輸販乘時祈湧  
貴賤貧無策救飢民誰知一雨連三日走逐群巫謝  
大鈞愚俗豈知皆帝力年七豐稔太平人

即事言懷

抱病三年白髮翁今年自覺更踈慵硯池敗墨無新  
潘書冊凝塵養蠹虫時向鑿方求服食誰從卜者問  
窮通正同農畝憂春旱三日甘霖洗歲凶

涼夜

氣機開闔貴循常極慘隆炎物返傷大暑遽罹前日

酷萬金難買此宵涼  
商飈借爽清庭戶  
白露先秋洗肺腸  
一枕夢歸天外境  
廣寒宮殿夜蒼蒼

跋御史梁公題祖隱君墓碑後中憲大定二十七年進士仕至河南府少尹

當年中憲煥人文  
景仰修齊表隱君  
三尺瑤鑄堪晤語  
一家庭訓儘恭懃  
詩書有種餘金穴  
簪紱傳芳見世勛  
孝子思親同一致  
幾回瞻灑太行雲

賈秘監宅蓄大龜  
來自海南盈尺三尾真  
靈物也觀玩之餘  
賦詩以詠為提點老友

一粲

神龜來自海中央  
登薦君家五福堂  
盈尺要開黃髮壽  
巢蓮不羨綠毛香  
蒼鱗奔獵垂三尾  
元氣氤氳閉

六藏昨日朶頤觀  
不足楮牀長在老人傍

壽韓生弘

待扣鐘邊弟子行  
當年風度已汪洋  
循匕試看青衿子  
濟匕渾如上舍庠  
將就緝熙從洒掃  
擊磨蒙垢到輝光  
束脩藉手嗟何有  
重為韓生壽一觴  
青匕衿佩西門塾濟

濟衣冠上舍庠

和曲山冬日述懷嚴韻

幾年青瑣列朝班  
萬里江湖又往還  
浮世舉從愁裡過  
人生能肯老來閑  
時方多故難前料  
家任長貧食後艱  
更有行身思寡過  
未能遽瑗每慚顏

送參政飛卿時改遷西省

辛卯冬十二月七日

漢庭冠劍擁群雄  
開濟都輸畫一切  
暫試邊籌清徼



外又分春色入秦中風雲平步無餘謹肝膽疇知有  
至公長使救時公等健老夫何有炬蓮紅

奉和曲山胡桃詩嚴韻

藤藥為菓性甘良今歲收成滿市行褐殼外包金作  
皺黃衣中裹玉為穰似憐澹泊陪尊姐滿嚙芳馨沁  
肺腸聞說開元全盛日千金一杵喜新嘗

瀛傳美法

柿膏同齒

彼桃根植自羌南遺種携來漢使驂雷斧斫開驚蟄  
卵雪穰翻出合歡蟾華池增潤酥同膩老頰含飴蜜  
比甜想得上林初結實百官分賜露恩沾

餞中丞義甫還闕下并序

予與中丞義甫同官歷下自後君由維揚

移秦中不肖亦承乏福唐地之相去也萬  
里時之契闊蓋八年于茲壬辰春正月避  
逅衛南尊酒間握手道舊殊歡暢也因話  
及弊居醉經堂珉溪曰今易為春露矣予  
即曰春露堂中秋澗老君應聲云可對梅  
花軒下柳溪生蓋君游蘇門稱柳溪生提  
憲開封以梅軒自號故云即舉酒囑予曰  
可足為一詩見贈因輟聯成篇以先行色  
其辭曰

綠波春水淨長亭樽酒相逢話故情春露堂中秋澗  
老梅花軒下柳溪生十年一別渾如昨兩地相望不  
易并三篋補遺蒙 睿眷 寵光浮動漢公卿

衛南讌集終終日歷下分攜已八年玉樹風神猶風  
昔彈丸詩句轉清圓傳家有學光先業望壠求書  
憶昔賢從此玉墀冠劍地漢家勲業有貂蟬第一

和曲山見示十六夜詩

三杯兩醖醉朦騰門巷歸時月色澄人影共三驚傑  
句元宵過五睛殘燈遊觀縱美吾誰與老病相仍子  
不勝昨晚詩來知勿藥樂於相對遠方朋  
非隱非商慶市闌出門即礙覺行難虛名籍上知何  
有世事悠上興易闡化日舒長饒驟暖新詩吟苦有  
餘寒書生仗倆宜人笑兩束賡章要不刊為曲山欲  
以示來者故云

寄贈總帥便宜汪侯

壬辰正月十日過衛

前日劔騎過衛南得一識英表勉贈二章  
庶見微懇

城晟袍鎧鳳花紅颯爽英姿百戰雄歌雅有懷千里  
隔停驂還喜一樽全忠傳孝繼來家法谷靜川空見  
驗功自古詩書出名將上軍今日漢膠東  
隴西名將相山東與別諸侯搃不同隴右風塵天一  
柱將壇恩禮漢元戎秦風儘詠車粃富魯泮重看  
獻馘功想得朝天承讌衍教坊金燾彩雲中

燈市行樂

人喜時和更上元春城風物覺清妍樽罍傾倒非吾  
事杖屨游觀有樂全淡上陌塵燈散後迨上春箭醉

吟邊新詩不獨書閒適待與清時備管絃

為曲山久病作詩以慰之

曲山隱几一冬餘心事中間合減除委巷莫悲來結  
駟蒯緱休詠食無魚木欺脾土宜甘養詩梗吟吭可  
暫踈六十坡仙年未老萬緣灰冷覓方書

再和慰曲山前韻

一身之外搃為餘應有間憂合屏除出宰莫悲淹足  
驥研精休效蠹書魚兩孟充腹且相調一盞和顏未  
可踈休信安心泥禪術內經還是不刊書若以老年

內經還是繫者書

予拜顯軒墓後七日其孫以脾疾亡復作  
詩以哀之

悲風吹野白晝陰吞聲不作短歌吟尚期穉子有餘  
慶少慰先生未了心玉樹凋殘天已老蘭芽助長思  
空深因懷此老含飴語地下相持淚滿襟穉子一作  
出列子子孫者  
天地之委蛻也

僮哀詩并序

僮姓李氏小字八齡十有六歲壬辰夏後  
六月廿九日因戲水濱溺死貌渴予時卧  
病不知以數日不來見疑其有異且覺夢  
思恍惚及旬餘窮竟所以乃云已死矣為  
惻然者累日其辭曰

來從汀郡六千里執役家僮二載餘兵死不教承舞  
槩陸沉誰料葬河魚樵蘇晚到虞踈失遮戶農興憶

掃除善遇力傭平日事一朝不見意何如

挽揔尹湯侯

井幹臺邊始識君共山七下酹新墳攀髯猶是風雲  
夢分陝仍高牧伯勳翠琰能書無媿筆石麟休認辟  
邪文泉扃儘慰承家望又見賢郎迥不群

題珠簾綉序後

七竅生香詠洛姝風流不似紫山胡半床夢冷珠簾  
月怨用烟中一序情鍾樂籍圖鎚破小山犁舌獄倒翻  
卓氏拍沽壚芳悰苦殫同心賞過斷行雲唱鷓鴣

題香山寺畫卷

送客當年遇玉泉醉中遊賞得奇觀一泓湛碧浮僧  
鉢幾葉秋黃打石欄山色空濛金界濕松聲清泛海

波寒吟鞭回首都門道斜日歸時翠滿鞍

過朝歌與苦齋馬上聯句

三十年来老友生論文談舊見交情清時健在已多幸  
白髮相從復此行朔吹號寒欺破帽重陰掃靜喜新  
晴憂先樂後平生事一笑長驅過故城

題府判黃懋卿手卷

簿領當年憲府廳已期公叔與同升為觀臨事多難  
際素有持心近厚稱荷橐儘高蘭省諭判花清映玉  
壺冰漳南未是淹留地變化重看九萬鵬

送舍弟南歸穰下

相思渭北常年事遠送漳南恨別心沙暖暫聯鴻鴈  
序霜寒淒斷鶴鴒音兩鄉健在都能幾千里含情老

更深慰浣此懷知懇切不交消息到浮沉

觀光

化日舒長靜八埏夔龍布滿紫宸班閭闔有喜科  
差少烟火全踈傳舍閒象緯拱環天北極聲明漸及  
海東蠻春潭不用弘農寶斗米三錢濟歲艱

壽右平章不忽木

黑頭便插侍中貂滹水春風憶共僚學術自初希聖  
括羽毛今果見雲霄心存經濟開公道天與精神贊  
本朝紫禁烟花縈繞裏青松千尺儘難凋

曾閱清朝玉笋班龍麟誰似相君攀事多簡省經綸  
定道在從容奏對間黃閣不知金印重思亭清似玉  
簫閒鳳池剩有如澠酒細瀉瓊杯量壽顏一作梅花  
香底如澠

酒長醉春  
風玉鍊顏

劍履光清斗極邊秋風庭戶淨吟瓊北門視草情何

蚤東閣觀梅暖更妍白髮詞臣從寂寞青天鵬背自

三千一樽細瀉新豐酒此際於君分合偏

漢相規隨有典刑讚書今傍太微星甄陶品彙均元

化業履貂蟬自六經養浩以剛鄒孟直誠心無愧魯

齋銘細傾東閣梅花釀長對西山未了青時拜御  
史中丞

賦王詹丞  
宣賜玉杖王諱慶  
甫藁城人

青宮宿衛舊將軍家世今誰萬石君千騎寵光丞

眷顧一枝方杖表忠勤靜臨春桂堂階月暖帶紅

鸞扇影雲若把璠璣比良德健於羅結更温文一作  
前日

倚毗今有效雲  
臺從此策高熏

同鵬飛遊長春宮

步入方壺別有天  
茫茫雲海道家山  
甘河真遇自伊始  
鐵鎖高垂不可攀  
黑入太陰松桂老  
望空玄圃水雲閒  
臨漪門外春風暖  
將復流紅到世間

張鵬飛治虎骨為醃  
揄作詩以贈

張侯骨鯁霜稜上  
削出雄軀瑩且精  
厭猛細將鵝作項  
差肩羞與鹿同名  
寢皮食肉真吾事  
理髮緡經入小成  
持贈有懷增老健  
一簪秋氣見初橫

虎腦杯二首

帳竿圍錦稱談兵  
猛腦剗來正可觥  
製就要為元惡戒  
飲餘便覺谷風生  
瑣紋漬血紅猶濕  
酒力增嚴氣未平  
廣會長筵莫輕出  
慮妨俚鬼淚縱橫

犀舩螺笋脂粉具  
老項剗作元或觥  
撩頭無復盜跖怒  
持飲頓覺陰風生  
鎖紋漬血紅猶濕  
酒力增嚴氣未平  
鱷吸長筵莫輕出  
柳榆俚鬼恐潛驚

惡却思張  
鬼恐潛驚

一作更吸  
泉羹戒元

十一月十八日壽宮小集

六祖真人牛教授  
伯祥張按察

飛鵬

十稔相望不易逢  
一樽誰料此宵同  
笑談偶得陶元亮  
賓主不分龐德翁  
竹葉添春冬後綠  
燭華留喜夜深紅  
鼎邊句就東方白  
却恐彌明訝不工

贈牛教授伯祥

作笑

牛君伯祥以失馬辭  
見示意甚悽惋  
雖情之所鍾  
正在我輩  
然思而不置  
恐傷天和

而病吾子也故終之以電露之喻

朝看頰頰燕于飛夜聽城烏有暗啼風拉綺絲疑悟  
語鏡翻鸞影夢雙棲屢空曾改安貧樂當饋難忘舉  
按齊不見六如亭上客此情斷度不容悽

壽長春張真人

絳闕蓬山不易求春風瑤草夢麟洲未如華表千年  
鶴終閱人間七十秋道紀有方藏妙用玄談登對動  
宸旒上對一炷嬰香供吹滿壺天十二樓登對謂嘗

稱旨

送王講師歸終南舊隱

青城仙馭本翩躚自昔緇經老閉關藜杖偶隨雲暫  
出草堂今喜鶴飛還道凝甘壑冲融際詩在終南紫

氣間去去黃塵今古道幾人回首似君閒

吾友鵬飛張君壯歲論交十年三遇少聞  
如意多見隱憂燕越相望契濶復爾衰年  
遠別互浚相愛之情判案頻煩例有三惑  
之誚冰清玉潔餘孰何堪下怨上疑自昔  
如此在李華而未免於吾子以何如若作  
計以處時宜貴和而容衆子其行矣詩以  
送之

四任邊除見壯猷空拳搏虎踞三彪得便宜處無再  
往當計會時須遠謀花柳都城終歲好江山南土暫  
時游倚門妻子愁仍破檣燕殺中莫少留

送左丞董君行院金陵

壘壁光寒海徼深未容緩帶界分臨旌旗動色真餘  
事節制無方是自侵疆索要知今日馭戎機還盡老  
臣心迎仙門外生祠栢親見森々綠滿陰

朝謁柳林行宮二詩并叙

至元癸巳二月四日臣膺憚臣文海儼君  
信朝謁春水行宮於瀘曲之柳林優蒙  
膏眷詔錄年名以聞引進者中丞崔或被  
沐天恩敢綴為唐律二詩以表殊常之  
遇臣憚謹序

漢家

天子獵非熊五柞長楊是近宮  
萬騎遠臨滄海右  
五人同拜柳林東自憐賤子承  
恩眷重為斯文惜

至公更擬論思叅政議老臣何有沃  
淵衷

千官扈蹕翠華東  
詔許諸生見雪宮商嶺採芝

慚綺季新豐需命似姚崇名煇彤管猶通籍簡在

儒臣要勸忠步出禁闈傳少俟長楊高樹動春風

癸巳清明後三日偕益津李士觀登太史

臺

客中何處散幽懷放眼高明恐易裁兼覺形神未全  
老試憑筋力共登臺山河繚繞陪京壯樓觀參差落  
照開曳杖不知雙解困銅駝巷陌晚歸來

奉和李樂齋登太史臺詩韵

哀繭形骸俱諱老較量筋力共登臺漸折就日瞻天  
近不憚捫參歷井回步下玉堦驚峻極立殘夕照尚



徘徊銅駝巷陌歸時晚一笑嗟七曳杖來

靈臺璇象兩巍七夢寐三年始一窺日挾陽鳥翻倒

影天浮圓蓋入銅儀當時東觀張平子此日吾元郭

若思羨殺漢儒皆實學幾曾分異限藩籬

和李樂齋馬病詩韵

楊柳都城約勝遊閉門翻作抱官囚血糊駿足幾無

隙眼味庸工悔悞投策杖恐招徒步誚求全翻得蹙

眉憂自今安驥君須記鍼法從來是把頭

為中丞博陵公壽

佐國如君富遠圖報恩多半薦賢書義方對主

辭何婉玄素回天力有餘論入事機包細大望

中風度見舒徐近年默數康時奏儘是汾陽極品除

喜答李六祖病後見憶

道韻鄉心兩疊稠行宮長記半冬留橘房嬉戲有真

樂鵬背逍遙忘遠遊清夢偶便旬月寢巖花空抱一

春愁朝來好得平安報香滿經臺紫氣浮

送吳僧清琬長游上都

顛骨嶮嶮犀插腦繙經休作越僧看潔蠲心行拋塵

累飛跳天星得妙觀化日闔浮天竺小秋風蘭若野

挽樊君道錄

每歎玄門道有綱樊君扶翊冠簪裳公材絕似張嵩

岳術異初非費長房樽酒笑談才宿昔玉棺飛墮便

蒼茫仙遊久厭人間世華表歸來意未量

荅晉卿教授

蒼狗雲衣日易翻，桂薪珠米住京難。  
百司扈送回鑿輅，一室虛潛盼冷官。  
老境靜思林下樂，鄉書喜向枕中看。  
絳紗幔底絃歌樂，政恐天教奈歲寒。

挽趙公同簽

不肖憚自壯歲辱知，頗厚意廣才疎竟成。  
墮窳日暮懷人豈勝慨，嘆視而有知庶幾。  
少慰其詩曰

氣鬱元龍漢魏豪，豈容空見卧床高。  
力籌戎務開樞府，膽落僧齋拜節毛。  
陰授有機黃石略，夢歸何處赤松遨。  
傷心此日題詩客，老淚縱橫濕佩刀。  
公使日本平陽以本國佩刀見贈詩純用留侯事者蓋以公全似漢初异人

卷二十一

詩餞王中丞復任中慶諸路行臺愛仰之  
懷義形于辭知音者無惜同賦

奉詔行臺自昔無恢上天經未容踈滇池逐鰐真餘  
事霜簡收炎見壯圖報政果符銀作驗立朝回看玉  
為魚此身雖遠吾民晏肯憚風沙萬里涂  
賜以二笏乃論曰若委付此銀為驗  
克林職將未以此銀為驗  
起雲南時

過樞東府二首呈王院判仲常

延英殿廡風道傳宮語近軍容自從文武岐分  
覺韜鈴勢轉雄畫戟凝香連嫖衛  
乃出長楊賦云

赤囊封愾折邊衝卻敵莫詫詩書將谷靜

要駿功

沈雄見致陰折衝樽俎沃淵衷庭花露重凝深

石犀寒辟軟紅國論動能參兩勢朝堂亦作寧  
嘆三空歸鞍細嚼輪臺詔兵寢刑清是極功

題峽山白石洞野齋序文後

陵東北望峽山蒲馬風埃憶往還白石久聞經洞  
碧雲誰似老僧閒夢驚三十年前事詩在推敲月  
下間安得野齋相約去松風岩壑共躋攀

送王司業嗣能倅衢州

頻年持節使閩甌端是騎鱸汗漫遊兩浙江山真菴  
畫三衢風土似中州兵餘獨重瘡痛苦政異無逾襦  
袴謳此去新詩更瀟洒所思多在望濤樓

完顏士慶赴任蜀省來別索詩

係金族

秋滿長安落葉紛天葩根異獨音芬氣酣不在新豐

酒志遠先馳蜀棧雲幕府文書無整肅即官心事足  
忠勤腰間四世千金劍又見清光湛斗文

輔提刑正臣挽詩并序

臺憲者順長道而服群醜也昔魯人以泮  
水頌僖公而曰敬慎威儀維民之則載色  
載笑匪怒伊教如提刑輔公有焉又如諸  
生廩繼于邁思樂何啻采芹藻而已不肖  
猥繼公後親覩斯美豈勝歌歎蓋學校乃  
國家之元氣故予特以崇學為言使留心  
於簿書米鹽間者聞先生之風庶幾知所  
自云秋澗王惲謹序

澄清心事見褰帷只道剛稜未盡知霜迹簡華森憲

府力宣風化作邦基廟堂留像瞻遺愛寒蒸翻香舞  
類池夢到養源堂上月至今鐘鼓似清時  
前年學館拜遺祠此日看君墮淚詩飲食固云飢渴  
易教條能盡後先宜身霜肅政潛泉獻文藻翻香舞  
類池夢到養源堂上月至今鐘鼓樂清時

李廷珪墨潘世傳能定人神志予病久思  
若恍惚因假之師孟研汁一龠飲之戲漬  
餘馥賦詩少見無聊賴之緒時癸巳八月  
朔日也

龍劑如珪獨擅唐洗心今試秘傳方

髓滿意濃薰月露香靈府策


蒼白頭文戰非吾事正藉

送鄧卽任繹州倅

我客京華識鄧卽恍如身在硯池傍三年載筆同詞  
館一字論文憶夜林老去光陰都幾許別來雲海尚  
相望玉堂昨夜秋風冷夢裏歸心到汶陽

秋澗先生大全文集卷第二十一





甲戌八月二十二日坐兩校



